

清初史料四种



清初史料四種

撫安東夷記 東夷考略

遼夷略 建州私志

民國二十二年七月
北平圖書館刊印

序

余曾輯清初史料五種付商務印書館刊印旋以滬上事變被燬夏間檢理舊籍其中遼事志略一種原本已不可復得又以東夷考略遼東諸圖原刻遠在東瀛卒以人事匆匆未獲商借乃重理殘餘輯爲四種而爲之序曰昔王靜安師謂新出史料凡有四種一殷虛之甲骨二漢晉之簡牘三六朝及唐之卷軸而內閣大庫及元明清文書實居其四夫吾國流傳史蹟容擴雖廣塗徑不同綜而言之皆當時人記當日之時事而已及夫代遠年湮風物變易與現代社會風俗不同後人遂名之曰史籍或曰經典因之而生幽邃之感焉豈知昔日佶屈聱牙之經典繁文縟辭之禮節皆當日平凡之時事治史學者亦不過以銳敏之識力察古代社會之情況略得其真相而已故章實齋謂六經皆史余謂六經皆時事也掣治史學者本無年代遠近之分別其解決問題也能影響於社會其功用則一惟史蹟之年代較近者則於今日之情況也較切而影響於現代社會也爲尤深今且以明清史事而論亦較治近世史者時代爲較遠矣然姑舉數端而言之如明代之建州問題清康熙間西學之東漸清代中葉太平天國之役清季外交等問題果能致力而研究之則不但當日

情勢可以略見而吾國致弱癥結之所在亦可略明矣豈非治近代史尤急於古代史乎然治近代史亦正未易言也雖獲有新發現之史料然必具有豐富之常識及銳敏之別裁再輔之以社會科學別國方言互相印證互相發明而後治近代史始庶乎可言若缺其一皆不足以言治近代史也吾嘗疑夫近之治史學者得一祕籍則競相愛寶深自固藏稍有所見則風格高張自喻珠璣竊以爲今日治學之態度亦與昔日不同昔日之所謂文人學士也則以爲斯道爲千古絕學前無古人而後無來者深具乎豪傑之思不可一世之概須知學問與社會俱進步非一人一力可以據有其互助亦猶工廠工人之合作其平凡亦猶工廠之產物人人皆可得而爲正不必虎視將來傲然一切也故吾文苟出之精審正不妨發表於世使吾說而確則可供學者之探討使吾說若否更不妨憑當世之指摘然後學術始可言進步是則多一治近代史之人即多一通達國情之士矣國是亟矣有力者盡之以力有才者輸之以才各盡厥職實事求是不主空譚則外侮內亂庶有豸乎民國二十二年八月安陽謝國楨記於國立北平圖書館

清初史料四種

目次

撫安東夷記一卷

明馬文升撰 國立北平圖書館藏紀錄彙編本

東夷考略不分卷

原題崧上愚公撰 燕京大學圖書館藏上虞羅氏傳鈔本

遼夷略一卷

明張鼐撰 國立北平圖書館藏明刻寶日堂集本

建州私志三卷

原題海濱野史撰 東方文化會藏銅仙逸史本

附

清開國史料考叙論訂補篇一卷

安陽謝國楨撰

撫安東夷記

馬文升撰

清初史料
四種之一

洪惟我太祖高皇帝膺天眷命奄有萬方以西北密邇胡戎乃設陝西行都司於甘州山西行都司于大同萬全都司於宣府又於喜峯口外古惠州地設大寧都司遼東遼陽設遼東都司陝西寧夏卽趙元昊所居地設寧夏左等五衛而遼之廣寧尤北虜要衝復設廣寧等五衛與各都司并寧夏咸號重鎮焉時則封肅王於甘州慶王於寧夏代王於大同谷王於宣府寧王於大寧遼王於廣寧以藩屏王室捍禦胡虜凡有不廷即命諸王討之所以三十餘年胡虜不敢南牧迨我太宗文皇帝遷都北平始徙大寧都司於保定府而其所屬營州等一十餘衛所亦省入順天永平二府地方時谷府未之國即改湖廣之長沙遷寧府於江西之南昌遷遼府於湖廣之荊州乃以大寧之地自古北口至山海關立朶顏衛自廣寧前屯衛至廣寧迤東白雲山立太寧衛自白雲山迤東至開原立福餘衛處虜之附近者旣又以開原東北至松花江海西一帶今之野人女眞分爲二百七十餘衛所皆錫印置官官雖多寡不一皆選其酋長及族目授以指揮千百戶間亦以野人之向正者爲都

指揮都督統之爲我藩屏而松花江東北一月之程所謂黑龍江之地則又立奴兒
干都司時遣使往招諸夷有願降中國者於開原設安樂州遼陽設自在州居之皆
量授以官任其耕獵歲給俸如其官當時各衛夷人每入貢賚賜殊厚以故凡迤北
征討皆聽調遣無敢違越永樂末招降之舉漸弛而建州女直先處開原者叛入毛
憐自相攻殺宣德間朝廷復遣使招降之遼東守臣遂請以建州老營地俾居之老
營者 朝廷歲取人參松子地也名爲東建州初止一衛後復增置左右二衛而夷
人不過數千然亦歲遣使各百人入貢以爲常其地則遼東自山海關直抵開原道
路如一之字南瀕大海三面皆夷虜至爲難守其性則建州女直詭詐過於海西海
西過於朶顏等三衛蓋海西建州馬步能戰而朶顏三衛止長於騎射故也自北虜
也先猖獗三種之胡遂皆歸之正統十四年也先犯京師脫脫卜花王犯遼東阿樂
出犯陝西各邊俱失利而遼東被殺虜尤甚以故朶顏三衛并海西建州夷人處處
蜂起遼東爲之弗靖者數年至景泰後始克寧謐而海西野人女直之有名者率死
于也先之亂 朝廷所賜璽書盡爲也先所取其子孫以無授官璽書可徵不復承
襲雖歲遣使入貢第名曰舍人以是在道不得乘傳置錫宴不得預上席賞賚視昔

又薄皆忿怨思亂遼東人咸知之而時未有以處之也積至成化二年建州都督董山等梟雄桀黠乘是以動海西之夷擁衆入寇守臣以聞 朝廷命太監黃順總兵官武靖伯趙輔左都御史李秉往討之輔等既降董山則逮赴京師而山仍桀騫比行至廣寧輔等以爲山若復歸貽患必大奏 朝廷遂誅山而安置其黨于兩廣福建且復進攻之時雖克捷而所失亦不少矣然邊境亦賴以寧至成化中元之遺孽滿都魯僭稱可汗虜酋乧加斯蘭爲太師節犯宣府聲勢甚大警報殊急予以兵部右侍郎奉 命整飭遼東邊備以防胡時成化十二年八月也九月即抵遼東遍歷險要繕城堡利甲兵練軍士選精壯凡所以防虜計者罔不殫心力虜人覘知我有備遂不復發適山東左布政陳公鉞以右副都御史來巡撫遼東後予而至凡備禦都指揮等官輒逮于理既當法則止罰馬罰草而復俾蒞戎政由是馬之價皆削剝軍士不復顧忌予既防胡歸京師則以十五事上陳而禁巡撫官罰馬於軍職者亦與焉陳遂以爲隙先是海西兀者前衛都指揮散赤哈上番書言開原驗放夷人管指揮者受其珍珠豹皮兵部移文遼東守臣勘之管指揮者懼乃因本衛都督產察係散赤哈姪入貢歸賄求產察言管實無所受散赤哈聞之深怨產察聲言聚衆

犯邊邊將以情報守臣守臣乃譯番書招散赤哈來廣寧面折散赤哈遂率所部十數餘人欲由撫順關進赴廣寧時參將周俊等守開原恐散赤哈至則真情畢露乃遣使馳報廣寧守臣詭云海西人素不由撫順關進恐熟知此道啟他日患守臣不虞其詐也卽召其使速阻之時散赤哈已入關聞之大怒折箭誓恨復歸至撫順所備禦都指揮羅雄知事不協具酒食慰遣出關時建州三衛女直亦欲報誅董山之怨而全籍海西之勢緣此遂留散赤哈于建共來犯邊勢漸昌熾向使不阻散赤哈以啟之邊患爲之息矣守臣以聞乃招土兵大征建州而出榜示衆徒張虛聲實皆顧戀私家不趨遼陽三衛遂得糾合海西人數千餘十四年正月乘虛入境大掠鳳集諸堡報至廣寧陳懼始赴遼陽而寇出已久矣獨近邊土著虜人也僧格等十八人家皆有使入貢未還恐誤罹兵禍及拘留其使乃走撫順所報訴云犯邊者皆海西人陳與分守遼陽副總兵韓斌意在撲勦夷人以掩罪遂皆拘繫瀋陽衛乃乘夜率諸軍襲各寨屠之訖無所掠人畜精壯者間亦脫去暨回遂捶死也僧格於獄乃以搗巢之捷聞時太監汪直者勢焰方熾惑於通事王英謂往撫可邀大功 上命司禮監出 駕帖太監懷公恩以直年少喜功於本年三月初四日同太監覃昌等

七人至內閣傳宣兵部尙書余公子俊侍郎張公鵬暨予比至僉言彼既有使入貢却又屠其家今若之何可以彌斃或言宜以大官酌之予曰官不足以釋其忿且宋以李繼遷爲京官遂致西夏之患懷公曰然則遣大臣同大通事往撫之衆皆曰諾尋宣至內府懷公傳旨建州夷人被大軍征勦恐懷疑懼着兵部侍郎馬文升通事詹昇前去撫安已而王英即謁予於私居諭汪意欲請與俱予遂謝絕之即行汪深以爲恨衆皆爲予懼予以事關 朝廷亦無所恤乃疾馳追及入貢夷使重陽等於中途四月初五日抵撫順所先縱重陽左右一二人歸諭其衆使知 朝廷意旨遂有十數人來見即諭以前意遣歸尋召各衛酋長聽宣璽書由是纍纍皆至而被屠之家數百人悉訴其方遣使入貢無犯邊狀而冒當殺戮又果無刦掠人畜可證今雖仰荷朝廷招來實難於度日予遂承 詔各以牛布給慰之且令其酋長赴京適微聞海西雖來聽撫猶思寇掠始歸乃於東寧衛訪嘗爲建州經歷識字熟女直趙安以招降爲名陰探於渠魁卜刺答所果有海西兵與否不數日趙安歸云有且賊數千而馬悉臙壯時分守開原太監韋朗亦遣人來言海西賊俱動若來遲恐勢不可撫予遂以建州事聞於朝且言夷人雖暫聽撫觀其言貌詞氣尙懷反側難保遠

安仍移文總兵官歐信副總兵韓斌參將崔勝各率所部及調開原參將周俊帶領
 開原鐵嶺精兵三千各分伏鳳集堡一帶賊以爲無備矣比予至開原甫三日果數
 路入寇諸軍以逸待勞遂斬首二百餘級生獲數十人及賊馬器仗無算而所斬者
 率多海西人馬參將崔勝周俊馳報陳陳爲功予因並前所論反側情狀及申虜人
 背逆天道既聽招安旋復入寇以自取滅亡之禍請移遼東兵剿之或既奪其心而
 姑與更新招撫遣通事指揮李璟聞諸 上事下兵部以爲虜人既撫安垂成只仍
 招撫以安地方朝廷從之海西人聞之且感且懼都督產察等盡歸降乃一體諭之
 遣其酋入京而遼東守臣奏報十數日方至以故賞皆不行陳以是隙益甚夷既降
 予慮其猶踵舍人之怨則檢其先授官子孫之失襲者皆令來見譯審實請兵部於
 內閣驗授官璽書依底籍明白再遣遼東守臣勘實令襲官者復十數人夷愈感激
 汪以夷既招安曷又入寇復主王英言請帶頭目百餘人給令牌令旗往夷聞其聲
 勢久無一人復出者汪至開原更有予原所招出兀者前等衛野人女直堵里吉等
 三百餘人而予時在撫順汪不與之接皆怒欲歸寨參將周俊恐敗事乃謂汪曰不
 可不請馬 欽差來議汪乃遣人至撫順所邀予予亦馳至開原與汪會汪曰若之

何予曰太監既至此夷即太監招出者也何問彼此汪揣知事不易遂聽予言俱犒之既又以謄黃璽書付各寨招安同以事聞已而汪意猶欲再招出示見示已功予曰太監此來既有令牌令旗彼懼決無敢出者太監第回京可保無虞也汪亦欣然與予俱歸遼陽復會聞於上予至京師 上賜羊酒寶鈔汪亦釋然矣既而兵部以失機召信斌入京久未訊汪皆許以復舊任適汪有事河南兵部以信等逮訊於都察院汪回怒甚又有李謙者上疏救斌汪遂請同定西侯蔣琬刑部尙書林聰往勘比回信等獄皆解有譖予者汪遂密奏予下錦衣獄謫戍四川成化癸卯乃蒙 恩改都察院左副都御史巡撫遼東顧軍士雖喜而將臣甚疑懼予率公以處之迄今邊境晏然而東人之心亦安矣嗟乎國計私忿不兩立也予以區區爲國之心雖一時艱危何恤然而事久天定不惟少裨於邊防國事抑且不愧不忤神明有不扶持者哉然則爲人臣者亦可監矣

人受亦亦西端矣

天字不辭也轉然能認與事再且不辭不許轉則首不許

心亦安矣雖平履情味益不兩宜也子以真而論之小註

東顧軍士歸而決引其發動千軍外以誠之誠不

不誠夫應備效四似似似似似似似似似似似似似

又皆李龍香士龍泉東注龍龍同安西對龍龍龍龍龍龍

未屬五清精以真蓋子蓋子言律而南漢龍龍龍龍龍龍

會問氣土平至京而平平平平平平平平平平平平平

合制會制會制會制會制會制會制會制會制會制會制

合制會制會制會制會制會制會制會制會制會制會制

合制會制會制會制會制會制會制會制會制會制會制

撫安東夷記跋

右撫安東夷記一卷明馬文升撰按文升字負圖鈞州人景泰二年進士明史有傳成化十二年九月以兵部右侍郎奉命整飭遼東邊防時海西兀者前衛都指揮散赤哈上番書言開原驗放夷人管指揮者受其珍珠豹皮兵部移文勘之管指揮者懼乃因本衛都督產察係散赤哈姪入貢歸賄求產察言管實無所受散赤哈聞之乃由撫順間進赴廣寧自白時參將周俊等守開原恐散赤哈至事情畢露乃詭云海西人素不由撫順關進恐熟知此道啟他日患也守臣阻之散赤哈因合建州董山餘孽犯邊而巡撫陳鉞與文升有隙十四年正月散赤哈等乘虛入鳳集諸堡陳鉞與總兵韓斌意在撲剿夷人以掩罪乃乘夜襲各寨屠之訖無所掠人畜而精壯者間亦脫去時太監汪直惑於通事王英之言謂往撫可邀大功乃與文升相貳卒勞師無功撫之而歸旣而以兵部失機下文升於獄謫戍四川癸卯乃赦還仍巡撫遼東是書文升自記當日時事爲記清初史事最早之書明代自永樂征服遼東而後成化三年征討董山之役實與遼東史事最有關係惟明史不爲建州立傳於清初史事多所禁諱語焉不詳有此一書吾人始可略知其端倪爲徵明清掌故者不

可少之書已原書刻於記錄彙編及馬忠肅三記中流傳極鮮乃重付刊印用廣其傳焉安陽謝國楨記

[The main body of the page contains several vertical columns of text that are extremely faint and illegible due to fading or bleed-through from the reverse side of the paper. The text appears to be organized into columns, typical of a traditional Chinese manuscript or printed book.]

攻原

自有年寇

之醫臣序而後曰第在局者委謀矣豈非以意求
庶幾靈而後報故多事矣其方以直既歸生熟一物即
今海西之妙而此之神不令至則厥有實學而吹者亦考
勝于初回而探者敢違于上綱了日而速宜過亦存一板道
考外復次海西才而皆為日宜引種柏及修一切寫腔唯
紙前以任其自

先市之次區而在能以次得於收人之福寧應伊若
恤身進滂考如考亦考能于考者此年強場一假此
蒙考了情誰區區及語五之年中流遇及何臣之七用公
所匪也考則之彼謀即則殺病及禪語之我故
諸考孤考以儲論古之考故兵于取宋或畫地以成國
界彼步情取多事以勝向少以陰易極考乃報向保

形迹之丹青
精佐神白之畫
兼昌之少其如心
先以地同云尔
泥在主人者



東夷考略目

荅上愚公撰次

女直通攷

海西女直攷

建州女直攷

附

遼東全圖

開鐵圖

開原控帶外夷圖

瀋陽圖

遼陽圖

廣寧圖


海運餉道圖

東事答問

荅上愚公傳


遼地負山枕海我朝經制爲詳北隣朔漠而遼海三萬瀋陽鐵嶺四衛繞於開原
足遏其衝南枕滄溟而金復海蓋旅順相屬海濱足嚴守望東西倚鴨綠長城爲固
而廣寧遼陽各屯重兵以鎮壓之復以錦義寧遠前屯五衛西翼廣寧增遼陽東山
諸堡以扼東建烽墩星聯首發尾應易稱守險備矣始遼陽廣寧開原鼎峙稱三大
鎮今開原淪於夷震鄰剝膚憂未艾也

本鎮邊界東自東海岸起西至薊鎮邊北沿長二千餘里



圖

一



開鐵疆場總圖



圖二



仙人洞

三家院

白家街

建夷地方

大黑山

龍潭口

撫安

東

紫河

松山

塔

兒灣山

海西長南關嶺塞

靖安

廣順關

威遠

那木川山


鎮北

鎮北關


馬兒山

波羅林

開原控帶外夷圖



圖三





圖四

一陽遠至南

西到鴨綠

三 圖 衛 里 十 四




一百五十里

西至靜遠堡七十里

西南到章義

里六十

里一百



圖五

海州府志

圖

鎮

八百六十里

西到廣寧三百六十里

西南到安州



里十四百

代子河

龍房堡

具河堡

月河堡



西關王廟

西會寺

西壇

驛在城

通遠所

學田

長安堡

長定堡



香山臺

長店舖

鞍山驛

沙河舖



龍泉寺

香山

中會寺

祖耀寺

千山

廣龍川

里十四百

里十一百七

六



圖六

西北四三

圖

鎮

里十八百一

一百二十里

西至州衛一百二十里

西至州衛一百二十里



衛一百六十

里十二百一界衛

圖

餉遼海路



圖七

開原道屬三衛一州乃古肅慎國西南境戰國時爲濊貊地漢爲夫餘國屬玄菟郡
開原城即遼黃龍府舊城在遼陽城北三百三十里

鐵嶺城即遼銀州舊城南至遼陽城二百六十里廣寧遼陽相距三百五十里河東
土腴人稠爲全遼根本故 國初建都司于遼陽

混同江北流過灰扒夷地則名灰扒江過兀刺夷地則名兀刺江又北至海西屈而
東入於海通名烏龍江

長白山在開原城東南四百里其嶺有潭流水下成湖陂湖中出東珠今其地爲建
酋奴兒哈赤所有故建酋日以富强

金州旅順關口南達登州新河水關岸徑五百五十里水程適中海島名羊塌兩日
內風力順可到先一日辰時自登州新河發航至晚抵旅順泊岸次日辰時自旅順
發航至晚北抵三汊河泊岸蓋自旅順口起抵海中羊塌黃城二島約三百里自黃
城南抵欽島鼉磯島約三十里欽鼉島抵井島約七十里井島抵沙門等島一百二
十里沙門島抵新河水關僅二十里總括其數亦五百五十里各島相接如驛

女直

女直始著東漢曰挹婁古肅慎國在夫餘東北千餘里東濱大海阻山穴居塗豕膏禦寒無君長射用楛矢石鏃長尺八寸出赤玉豐貂所謂挹婁貂也自漢臣屬夫餘魏黃初中始叛便乘舟寇劫景元末以楛矢石弩弓貂來貢歷元魏號勿吉延興中遣使乙力支朝獻從契丹西界達和龍言繇水道密謀百濟取高句麗其國在高麗北有大水廣餘三里名粟末水發原太白山入隋號靺鞨凡七部其一粟末部依水南抵太白與高麗接頻相寇者也稍東白山部臣高麗餘部各勝兵數千人而黑水部尤勁居極北唯粟末白山近隋境其俗常以秋月造毒藥傳矢射禽獸立死畜多豕衣其皮以溷濯面於諸夷中最穢開皇初遣使貢獻聞其國西北接契丹每寇掠因誡使罷攻唐征高麗靺鞨各部奔散而粟末與黑水獨存粟末一稱渤海更號黑水靺鞨渤海靺鞨貞觀二年黑水渠長阿固郎臣附以其地爲燕州開元十年置黑水府賜其酋姓李氏名獻誠以雲麾將軍領黑水經略使訖元和朝獻而渤海附高麗者姓大氏高麗滅保挹婁之東牟山武后時大乞乞仲象與靺鞨酋乞四比羽東度遼水分王高麗故地武后遣將擊殺比羽而仲象亦病死其子祚榮并比羽之衆

頁四
負險建國勝兵數萬盡得扶餘沃沮弁韓朝鮮海北諸國地睿宗遣使拜祚榮渤海郡王以所總爲忽汗州領都督自是去靺鞨專稱渤海傳孫欽茂天寶末徙上京直舊國三百里忽汗河之東寶應元年以渤海爲國王之五傳仁秀頗拓境遣諸生詣京師習制度遂爲海東盛國有五京十五府六十二州以肅慎故地爲上京南爲中京獮貊故地爲東京沃沮故地爲南京高麗故地爲西京西京曰鴨綠府朝獻訖咸通世役屬黑水五代時契丹盡取渤海地而黑水靺鞨因附屬阿保機遷其豪數千家於遼陽南曰合蘇館由是黑水部落在南者籍契丹號熟女眞在北者不入籍號生女眞後避興宗諱改女直地有混同江長白山混同江水色微黑亦名黑龍江即粟末河發原太白者太白山一曰長白橫亘百里巔有水源下注成湖出東珠貴者直千金南流爲鴨綠江北流爲混同江達五國城東入於海其出北山南流入松花江是爲白山黑水金所由開國也始祖從高麗來完顏部部有女年六十未嫁配生男遂爲完顏人自烏古執叛遼節度拔乙門以獻遼主以爲生女直部族節度使至孫阿骨打滅遼爲金祖以始興地爲會寧府更稱上京初女直兵未嘗滿千及聲伐遼督諸路兵會來流水得二千五百人並召渤海曰女直渤海本一家戰鴨子河始

滿萬遼人言女直滿萬則不可敵既屢捷以金堅不壞色白而完顏部色尙白遂號大金焉元滅金即扶餘故壤改開元路治黃龍府別置合蘭府水達達等路設軍民萬戶府五分領混同江南北之地各仍女直俗相統攝

國初定開元改開原道控帶諸夷女直各部在混同江以東東濱海西接兀良哈南隣朝鮮北至奴兒干略有三種自湯站東抵開原居海西者爲海西女直居建州毛憐者爲建州女直極東爲野人女直它種甚夥開原北近松花江曰山夷又北抵黑龍江曰江夷而江夷有灰扒兀刺等族建州毛憐裔出渤海事耕紉居處食飲有華風海西係黑水裔其山夷倚山作窟即熟女直完顏種江夷居黑龍江即生女直竝有室廬或以樺皮爲帷止則張架俗善射馳獵耐飢渴忍詢好盜其戰鬥多步少騎上下巖壁如飛而建州阻萬山獨居中據要害五嶺喜昌石門尤扼險人騎不得成列於女直稱最强永樂元年遣行人邢樞招諭奴兒干諸部野人酋長來朝因悉境附九年春遣中使治巨艦勒水軍江上召集諸酋豪縻以官賞於是康旺佟答刺哈王肇州瑣勝哥四酋率衆降始設奴兒干都司自開原東北至松花江以西先後置建州毛憐塔山等衛一百八十四兀者等所二十官其酋爲都督都指揮千百戶鎮

撫 賜勅印各統分部復置站地面各七寨一不領于衛所令歲以冬月從開原入朝貢唯野人女直僻遠無常期諸部願內附者開原設安樂州遼陽設自在州處之已又爲海西建州各夷立馬市開原歲時賜予甚厚終以實效帝世奉職謹征調輒赴建州衛指揮阿哈出以功賜姓名李思誠其子釋家奴曰李顯忠顯忠弟猛哥不花亦以內附領毛憐衛累都督同知久之顯忠死子滿住襲求駐牧蘇子河而開原降虜楊木答戶率數百騎奔建州寔爲遼患宣德間守臣務招徠請居以建州老營地老營者 朝廷歲以其地取人參松子所名東建州乃是也四年海西野人女直數寇掠都督巫凱請討之不許 賜勅戒諭令凱厚恤貢夷正統初建州左衛都督猛可帖木兒爲七姓野人所殺弟凡察子童倉走朝鮮亡其印詔更給以童倉弟董山襲建州衛指揮亡何凡察歸得故印 詔上更給者匿不出乃更分置右衛剖二印令董山領左凡察領右正統末董山與李滿住等竝附也先爲耳目鈔掠遼東景泰中都御史王翱諭歸所掠稍寧戢而海西野人諸酋長死也先之亂盡失 賜勅子孫不得襲以舍人入貢宴賞大減殊怨望天順三年董山潛結朝鮮僞授中樞密使巡撫都御史程信詐令自在州知州佟成廉他事得朝鮮授

山制書以聞

上遣給事中往朝鮮錦衣譯者往建州各軟語枝梧出制書示始憎服貢馬謝成化二年左都御史李秉言建州毛憐海西各部來貢邊臣案驗貂皮取純黑馬取臙壯否即拒之非厚往薄來意且貂產黑龍江迤北非建州毛憐所有宜勅守臣驗放無過苛啟釁下兵部議如秉言而董山來朝語不孫糾毛憐海西夷頻盜邊三年命武靖伯趙輔充靖虜將軍左都御史秉督師率漢番京邊官軍五萬往征之山海自歸詔羈廣寧尋伏法九月分三道搗其巢左軍出潭河越石門自分水嶺右軍由鴉鶻關喜昌口踰鳳凰城摩天嶺至潑猪江中軍自撫順經薄刀山過五嶺度蘇子河至虎城刻日會勦朝鮮亦遣中樞府知事康純等佐兵萬人過東走路俘斬千計並誅李滿住會積雪寒裂膚遂班師指揮張額的里率妻孥降且曰此地自漢人跡罕至唯唐太宗東征抵鳳凰城今大兵追奔及此乃天也輔具奏上憐而賞之仍安置部夷聞廣而我所損士馬亦不賞四年留副總兵韓斌防守築撫順清河靉陽諸堡五年禮部奏勅通事武忠等諭海西女直各夷常貢外無進海東青兔鶻并省諭貢使無溢額六年建州夷窺邊庾虛謀作亂巡撫都御史彭誼獲其謀檄轉餉實鐵嶺

瀋陽三萬諸衛整師出遼陽衆潰匿 朝廷因示羈縻復以董山子脫羅爲指揮它
從叛者得降秩襲諸夷復貢然往往聲報董山讐糾掠塞上十四年海西兀者前衛
都指揮散赤哈上蕃書言開原驗貢勒受珍珠豹皮兵部移文都御史陳鉞勸狀徵
赴廣寧置對散赤哈率所部十餘輩由撫順關入守將以非故道卻之因藉忿與建
州夷合乘虛大掠鳳集諸堡鉞掠近邊蕃戶以捷聞更請大發兵巨璫汪直惑通事
王英言銳請行冀邀功賞 詔以兵部侍郎馬文升經略直亦繼往按事文升疾趨
瀋陽召各酋長撫慰賑以牛布已諜知海西夷反側密檄總兵歐信等設伏邀擊大
破之海西夷亦聽撫比直至衆已各解散直心害文升功而文升遇直偃鉞復搆以
媚直遂奏建州女直諸夷以文升曩在鎮禁易農器故屢入寇 上遣直及刑部尙
書林聰即訊文升言所禁鐵器非農器不聽明年下文升獄謫戍重慶是時東寧人
劉八當哈以天順間盜馬奔建州至是與張驢兒冒虜酋阿卜等名朝貢梟首惡遼
東塞而陳鉞希直意奏建州女直伏當加聲寇遼請搗穴遂命撫寧侯朱永佩靖虜
將軍印充總兵官討建州夷以直督師鉞叅贊東征軍務直等給執貢夷郎禿等六
十餘人械所司並襲老弱報級加直祿米進永保國公鉞右都御史十六年建州女

直以復仇慘掠清河等堡後三年直始敗鉞坐褫職爲民起馬文升左副都御史巡撫遼東會其酋完者禿貢馬復聽襲脩貢如例塞上寇益稀正德八年海西夷加哈又祝孔革等阻貢旋就撫諭嘉靖初海西夷酋速黑忒強以脩貢謹及捕叛夷猛克特進左都督 賜金帶大帽其後請乞漸煩貢浮額從兵部議 勅守臣嚴覈如制二十一年建州右衛夷酋李撤赤哈糾衆入寇都御史孫膺禦之多亡失至深入鳳凰城 命給事中林廷望往勸明年廷望還報上言邊事請稽衛所原額令以次分番入賞庶幾古人質子之意并懸都督重秩以待斬馘奇功亡何以海西夷酋王忠偵虜功陞都督僉事其秋建州夷酋趙那磕等分道寇湯站等保禦卻之而李撤赤哈復盜邊二十四年就擒梟塞上賜總兵趙國忠等金幣頃之都御史於敖滅撫賞諸夷諱詐殺諱者遂挾憤入塞殺掠如成化時巡撫以不任相繼罷二十七年女直諸夷及兀良哈勾虜入遼都御史李珏復罷去遼東大困已復脩貢不絕久之海西夷酋王台襲祖速黑忒職款廣順關而祝孔革遺孽逞加奴仰加奴亦款鎮北關因以南關北關別其號南關忠順特著建州夷酋王杲方躡撫順四十一年誘殺副總兵黑春深入遼陽隆慶五年冬我師大破建州夷汪住等馘斬近六百而杲益縱掠

萬曆二年撫順游擊裴承祖等被戮總兵李成梁身督師出搗斬級千一百有四來獻捷明年梟走匿王台寨因宣諭台及伊子虎兒罕執梟獻加台龍虎將軍進二子都督僉事秩遂磔梟益拓寬奠六堡七年建州夷酋王兀堂漸壽張八年連犯黷陽永奠諸堡我師追奔出塞二百餘里至鳴兒匱得級七百五十四兀堂爲氣奪而梟潰孽阿台投仰加奴等脩鄰南關且勾虜窺孤山鐵嶺十年李成梁勒兵曹子谷大破之明年搗古勒寨誅阿台是時王台及虎兒罕相繼歿所遺猛骨孛羅及虎兒罕子歹商穉弱仰加奴雖台壻憤其父祝孔革死台叔王忠手并奪 貢敕及季勒寨與兄逞加奴固未嘗忘報復也十一年以婚西虜借恍忽太煖兔等騎可萬餘與歹商構并攻猛骨孛羅恣掠把吉諸寨都御史李松宣諭不從因密商總兵李成梁伏兵中固城擊殺逞加奴仰加奴而逞加奴遺孽卜寨仰加奴遺孽那林孛羅日夜圖報父連西虜以兒鄧侵掠歹商挾索貢勅十五年那林孛羅引西虜萬餘騎急攻把太寨而王台孽子康古陸向奔逞加奴得歸娶父妾温姐反攻歹商猛骨孛羅亦以母温姐故協謀我師往援執温姐尋釋之囚康古陸胥命而猛骨孛羅爲北關迫脅焚巢劫温姐去十六年李成梁從威遠堡出搗卜寨那林孛羅請降總督侍郎顧養

謙議並釋康古陸刑牲盟聽兩關均勅釋憾會建州夷酋奴兒哈赤與歹商約婚亦頗藉爲輔車而奴酋方斬叛夷克五十乞陞賞十七年竟予都督秩以此遂雄長諸夷初奴兒哈赤祖叫場父塔失竝從征阿台爲鄉導死兵火奴兒哈赤方幼李成梁直雜視之後稍蠶食張海色失諸酋及與歹商爭張海因約婚罷兵且讎叛夷懇祖父殉國狀以都指揮躐躋崇階與南關埒心固已騰踊張矣而歹商酗酒好殺衆不附十九年卜寨等陰令部夷賊商中道南關止遣猛骨孛羅則勢愈孤又日與北關相構怨頃之奴兒哈赤計殺卜寨旋以保塞功加龍虎將軍眎王台潛有併海西意而北關那林孛羅與南關猛骨孛羅方酣於鬥二十七年猛骨孛羅不支以子女質建州借兵已因飛語激怒奴兒哈赤反執猛骨寨中明年遂殺之邊吏往詰則以女許婚猛酋長子吾兒忽答二十九年與那林孛羅補雙貢而吾兒忽答陽以撫養旋羈建州寨南關不絕如線北關夷酋那林孛羅白羊骨乃約婚西虜宰賽自託奴兒哈赤益旁嚙朝鮮及黑龍江上諸夷三十三年李成梁再出鎮則議徙寬奠新疆民六萬餘入內地奔新疆爲甌脫明年奴兒哈赤強勒清河沿邊參直並爭入貢車價二十六年混南關勅項賞明年以萬騎築故塞漸逼開原御史熊廷弼請添募兵

兼撫北關收宰賽煖兔折其謀頃之奴兒哈赤願遵諭減車價及還張其哈喇佃子侵地而伊塔江夷卜占吉急走北關四十一年藉逋塔與北關仇殺益墾南關曠土糾西虜宰煖四十二營馳清河始檄薊兵五千赴援而奴兒哈赤好語謝邊吏都御史張濤初至惑其謀更以拒婚老女並匿逋婿爲北關罪且許奴酋質子入關亡何奴兒哈赤已圍燒北關十九寨及我師應援隨撤兵以負婚愬明年復墾前罷耕地開原參議薛國用力主驅逐始退地定界兼減貢夷四十三年白羊骨以老女許婚煖兔奴兒哈赤勒兵南關已竟寂然四十六年四月潛師突陷撫順總兵張承胤等馳援死之因賫蕃書請和自稱建州國汗五月剋撫安三岔白家冲三堡起原任都御史楊鎬以兵部侍郎經略兼巡撫七月奴兒哈赤從鴉鵲關入剋清河唯叅將賀世賢縱擊鬻陽寨外得級百五十四而鬻陽寬奠望風潰

賜經略劍一別以太常少卿周永春爲巡撫都御史九月奴兒哈赤再從撫順入會安堡時東方有白氣長竟天其占爲蚩尤旗十二月北關夷酋金台失報剿奴酋一寨特賜金幣風勵之四十七年二月經略侍郎楊鎬以徵兵四集遂誓師遼陽分四路出塞進剿一軍從靖安堡趨開鐵一軍從撫順趨瀋陽一軍從鴉鵲關趨清河一

軍從瞭馬佃趨寬奠北關朝鮮各佐銳師而我主帥不一兼先泄師期三月朔總兵杜松越五嶺關前抵渾河弃車營趨利遇敵萬餘乘半渡遮擊遂大潰松血戰死它帥馬林師後期踵敗開原僉事潘宗顏等竝死之總兵劉綎深入剋十餘寨後三日以墜賊詐中覆亦陣歿而帥清河路者李如柏以撤回獨全奴兒哈赤遂乘勝窺開鐵圖搶金台失寨傳檄朝鮮僭號後金國汗黃衣稱朕意揚揚自恣也六月從靜安堡入薄開原北關爲出援兵二千比至城已被剋羽書告急

上始超擢前御史熊廷弼代鎬經略尋逮治鎬而奴兒哈赤以七月從三岔堡入剋鐵嶺鐵嶺開原爲遼重蔽旣併陷賊則河東已在賊握中北關與遼聲息不屬而奴酋乘勝縛宰賽脅煖兔炒花爲助廣布間諜內地所在殘躪目無堅城可爲遼左心寒矣八月經略侍郎熊廷弼入遼申軍令方慰撫北關爲犄角奴兒哈赤佯攻遼瀋綴我師突引萬騎連破金台失及白羊骨寨北關並歿廷弼乃決策守遼陽引水爲防調李懷信代將人心始定奴兒哈赤因往開鐵取窖粟以飽待饑明年給事中姚宗文閱邊查訪北關部落得金台失二女孫一配虜酋腦毛大之孫桑河兒寨一配虜酋虎整兔愁特給四千金示優卹用糜其意而南關裔止廣寧指揮王世忠請實

東略 九
授遊擊風諸夷經略態廷弼以軍聲稍振始議回守遼陽逼賊穴奴兒哈赤乃益連西虜計令虜睨河西誘我師疲極乘其敝每聲言入犯第時引遊騎出沒至發僞榜招降詭侮無狀廷弼奏激同仇滅賊併請恩賚將士同甘苦會

上慨發餉金三十萬一軍盡謹知奴酋亡可翹足待而是役調兵十八萬歲增餉三百二十四萬金而羨海內大爲騷動始海西兩關互仇構越四十年自爲刀俎以歸於盡奴兒哈赤方袖手收漁人之利而女直諸部落盡併建州遂忘其初仰我鼻息欲引金轍安忍好兵甚矣夷之不度德也

論曰語有云爲虺弗摧爲蛇若何奴兒哈赤本一孤雛驟假名號及併南關旁嚙邊吏不聲討竟奔新疆益之廣墾爭車邊有欲炙之色復狂甘言弛備以及潰裂抑己疎矣然建州彈丸地向虛口清撫之繯曾無廣屯厚儲清撫旣下不爲守知非有遠志我徵兵漸集葺殘壘爲三肄困之時以輕騎擾彼耕牧計可坐制死命而銳語出塞自取輿尸搏虎於嵎佐鬥于穴幾若此而不斃者凡兵莫神于間莫巧於顛倒飢飽勞逸以爲用而我早漏師期深入重險奔輜重窖粟以資敵敵兼此數者勢始日張因併奪我三軍之膽膽破而智勇並困遼藩之不爲開鐵續幸也善師者鼓之以

膽而運之以略敵銳能挫之敵驕能忍之轉敵之權而陰握其全勝不啻與端肅爭烈矣

照矣

此處文字模糊，似有「...」等字，但無法辨認。

海西

自開原東北轉而南抵鴨綠江凡委蛇八百餘里皆女直薦居女直於古爲肅慎後漢曰挹婁元魏曰勿吉隋唐曰靺鞨至金開國益強今稱女直略有三種其極東曰野人女直去塞遠歲附海西市開原不入貢亦不寇邊其一東方諸夷之爲衛所甚衆而建州領其名並毛憐曰建州女直即今奴兒哈赤之屬其一曰海西女直則開原南北兩關之夷竝故都督王台部也永樂初挹婁夷來歸置塔山塔魯諸衛備外藩宣德四年海西女直始入寇寢勾建州剽掠正德間祝孔革等爲亂阻朝貢至嘉靖初夷酋速黑忒捕殺叛夷猛克修貢謹賜金帶大帽其後王台益強能得衆居開原東北

貢市在廣順關地近南稱南關其遑加奴仰加奴居開原北

貢市在鎮北關地近北稱北關云開原孤懸扼遼肩背東建州西恍惚太二夷常謀窺中國而台介東西二夷間扞蔽令不得合最忠順因聽襲祖速黑忒右都督爲之長東陲晏然耕牧三十年台有力焉萬曆二年西虜小黃台吉以五千騎晨壓海西新寨請婚台女許之因約必無犯開原塞明年台縛送建州逆都王杲加勳銜晉

二子都督秩當是時台所轄東盡灰扒兀刺等江南盡清河建州北盡二奴延袤幾千里內屬保塞甚盛蓋晚歲而北關二奴之費興始逞仰二奴父都督祝孔革爲台叔王忠所戮奪 貢勅並季勒寨及台以女娶仰加奴卵翼之已加奴等結婚西虜哈屯恍忽太潛爲嚮導勢漸張欺台老日伺隙修怨會台子虎兒罕好殘殺部夷虎兒干白虎赤先後叛歸加奴因盡奪季勒諸寨調兀刺江上夷與虎兒罕構兵是後仰加奴十三寨上遺把吉把太可五寨屬台它如灰扒兀刺及建州夷各雲翔不受鈐東南關勢漸蹙十年七月台竟以憂憤死

上嘉台忠特 賜諭祭給綵幣四表裏台有子四長虎兒罕次三馬兔次康古陸次猛骨孛羅而三馬兔早歿康古陸台奸生子爭分父業爲虎兒罕目攝亡抵逞加奴逞加奴以女妻之猛骨孛羅母温姐又北關二奴妹也而故西虜婿因與虎兒罕借兵黃台吉復季勒諸寨黃台吉陽助之寔陰收白虎赤等自益己虎兒罕歿則南關勢愈孤十一年七月逞加奴仰加奴與白虎赤益借西虜煖兔恍惚太等騎可萬餘矚猛骨孛羅並虎兒罕子歹商日尋於門時遼鎮已勦王杲遺孽阿台總督侍郎周詠因念歹商弱猛骨孛羅嗣立衆未附請加 勅便彈壓報可是歲十二月逞加奴

仰加奴乘冰堅復糾虜攻猛骨孛羅大掠把吉諸寨巡撫都御史李松再宣諭二奴驕益挾請貢勅乃密與總兵李成梁計李將軍伏兵中固城去開原四十里都御史坐南樓上先期命叅將宿振武李寧等夾四隅伏因遣備禦霍九臯往諭約軍中曰如虜入圈聽撫則張幟爲號案甲勿起不者若聞砲即鼓行前如令亡何二奴擁精騎三千餘劄鎮北關請賞以三百騎前詣圈門頗橫恣目白虎赤劍砍霍九臯中臂九臯反擊一虜墮馬餘虜攢殺我兵十餘於是軍中炮聲如雷伏盡起遂前斬逞加奴仰加奴及白虎赤逞加奴子兀孫孛羅仰加奴子哈兒哈麻殲焉共得級三百一李將軍兵聞砲亦繼至協攻獲級千二百五十二捷聞告 廟 賜爵有差自是海西讐服台子孫息肩可數年而逞加奴遣孽卜寨仰加奴遺孽那林孛羅日夜圖報父連西虜以兒鄧侵掠部夷及歹商數入威遠靖安堡而那林孛羅尤狂諍挾索貢勅如二奴時十五年那林孛羅引西虜恍忽太萬餘騎急攻把太寨我兵往援圍解而是時王台孽子康古陸向奔逞加奴者乘虎兒罕歿即來歸已併妻其父妾温姐分海西業與猛骨孛羅歹商鼎立至是以仇虎兒罕故甘心歹商爲北關內應其年六月因約歹商叛夷阿台卜花反攻歹商鹵資畜而猛骨孛羅以母温姐故亦

助康古陸奸收歹商妻協謀誘殺開原兵備使王緘乃檄參將李宗召會擊遊黃應魁勒兵執溫姐康古陸已念戮溫姐則猛酋携釋之止囚康古陸胥命而猛骨孛羅竟爲北關誘脅從那酋夾攻歹商因自焚其巢往十八寨并規溫姐去巡撫都御史顧養謙御史許守恩奏革猛骨孛羅勳爵劾緘玩寇釀亂 上遣緹騎逮治奪職明年三月大將軍成梁決策進剿於十三日從威遠堡出塞申軍令無殺降卜寨棄其師入那林孛羅壁大將軍因縱兵直擣城下矢石雨激多殺傷發大砲擊中堅城盡裂中轍洞胸二酋始奪氣倒戈乞哀計斬級五百有奇釋二酋不誅班師還開原兵備使成遜用衆議請并釋康古陸存歹商謂欲殲諸酋立商則康酋溫姐首當誅欲和諸酋存商則康酋溫姐首當釋叛而縛之窮而釋之爲均 勅分寨給牛種與北關建州共藩東北便總督侍郎顧養謙亦謂歹商弱多疑卽殲諸酋立之不能有其衆不如釋康古陸使和歹商諸酋見康酋釋不復疑而又畏我因重歹商歹商以諸酋立而王台子孫皆全矣康酋再死再生德莫厚焉刑莫威焉且歹商許建州奴兒哈赤婚內倚 中國而外以姻重寢北關謀此實東陲長策四月一日遂釋康古陸囚諭之曰 中國立歹商以王台囚汝以助北關侵歹商也汝亦台子終不忍殺今

釋汝和諸酋脩汝父業。商安危汝則任之。康古陸唯唯。因令商以叔事康。酋以祖母事温。姐刑牲盟。且進卜。寨那林孛羅使者諭曰：「往若効順開原，闕廷並有賞。」江上遠夷以貂參之屬，至必藉爾通。若布帛米鹽農器，仰給漢耕田園獵坐收木耳。松子山澤之息爲利大矣。今貢市絕而江夷道塞，藉兵恍惚。以太以守虜，以千騎盛氣。抵若有德色，需索無藝。部夷多怨我，第傳檄部卒斬兩酋頭來立爲長，可無煩兵誅也。漢今贊若不誅，若何以報？遂爲均兩關勅。蓋自永樂來，給海西屬夷勅，由都督至百戶，凡九百九十九道。按勅驗馬入貢，兩關酋領之。眎強弱上下，先是逞仰二奴父。強則北關多，及王台強則南關多多。至七百道北關不能三之一。今無論強弱與之。平南關以五百，北關以四百九十九，差縮其一。存右南關意，諸酋並羅拜服。亡何康古陸死，感不殺恩，將瞑屬温姐猛骨孛羅無負。國又亡，何温姐以乳瘡亦死。兵備使成遜因令北關卜寨那林孛羅南關猛骨孛羅，商面相結，釋憾並請貢而建州奴兒哈赤以姻。商先入貢矣。是後卜寨亦以女許商。那林孛羅妻則商姊也。而商醜酒好殺衆，稍貳十九年正月往卜寨受室。因過脉姊中塗，那卜二酋陰令部夷擺思哈射商，殪乃歸罪。擺白二夷執擺夷以獻。總督侍郎郝杰疏謂商與

那卜有夙怨今射死中道情甚隱第難深求請臬擺夷示法歹商子騷台住等並幼
依外家應加厚恤所遺部夷并勅百三十七道暫屬猛酋俟成立議給猛酋請補雙
貢其那卜二酋有偵虜功併請復都督許之自此以後猛骨孛羅脩貢唯謹然南關
勢孤且益弱而建州奴兒哈赤日益強遂殺卜寨陰有窺海西意北關那林孛羅乃
復糾虜數侵猛酋二十七年五月大焚掠猛骨孛羅寨猛酋不支急以子女質建州
奴兒哈赤借兵那林孛羅恐則布飛語謂猛酋且執部夷以激怒奴酋奴酋果怒且
心欲收漁人之利竟反執猛骨孛羅置寨中盡略其貲明年四月遂捏奸妾法賴射
殺之因留猛骨孛羅妾松代速代 中朝宣諭則願歸猛骨孛羅次子革把庫及部
夷百二十家其猛骨孛羅長子吾兒忽答奴兒哈赤以女結婚請於明年三月受室
送歸寨已竟如約二十九年七月奴兒哈赤於撫順關外刑白馬誓撫忽答保塞那
林孛羅亦歸原擄勅六十道請補進雙貢如故事然是時南關所遺惟藐孤已不啻
奴酋几上肉奴酋虎賅實欲先併南關以次及那林孛羅白羊骨盡海西諸夷地居
頃之奴兒哈赤遂羈忽答建州寨聲爲那酋殺搶來奔而那林孛羅亦執言奴酋本
逆梟裔旣殲猛酋又虜其子自是王台子孫不絕者如綫南關委諸墟莽而北關那

白二酋乃婚西虜宰賽犄角三十六年海建脩貢奴兒哈赤混入南關勅三百六十
三部案驗諭無兼并時奴酋寢鵬張日掠江夷朝鮮自封且騁萬騎脩南關舊寨逼
開原聲與 中朝爲難開鐵震動目中久無北關而那林孛羅歿金台失新立奴酋
眈眈未嘗忘吞噬也四十一年正月奴兒哈赤圖其壻江夷卜占台急因率部落千
餘走北關金白二酋匿之遂藉索逋相仇殺當事計密令北關行間間奴酋所併灰
扒兀刺諸仇夷合從以八攻一倚 中國爲奧援乃可以逞然竟不行而奴兒哈赤
益侵種南關界地賄結西虜宰賽煖兔諸營馳清河塞廷議方徵兵薊急救北關頃
之宰賽失利罷兵奴兒哈赤遽好語謝邊吏遼鎮巡撫都御史張濤乃偵情形上封
事稱北關近且開二覺其一東酋求婚北酋老女復行併猛卜計北關堅拒不與會
東酋婿卜占台來奔北酋即許婚老女卜酋遜謝爲別婚東酋乃忿號謂寔匿伊逋
壻其一金台失有女爲兄那林孛羅收養嫁宰賽反目頃金酋故殺那酋妻即宰酋
之外母宰酋乘隙挾求老女贖罪老女矢以死守宰酋藉忿相攻北酋乃歸怨奴酋
之賄結請釋二憾無養癰東建也時金台失白羊骨來告急別將曹文煥爲潛盟給
以火器奴兒哈赤計縻我援兵北關乃可圖則益遣干骨里懇不悖漢耕牧無敢淫

於異日并願質子示信訟北關匿壻狀都御史濤以爲然遣官藉大成往申諭奴酋隨奉質子入關爲請於 朝而奴兒哈赤度我弛備即嚴兵圍燒金白十九寨我援師不時發總督侍郎薛三才乃疏爭往遼失策奔南關不救一之謂甚北關再折入奴東方憂滋大已竟發援而都御史濤疏金白自召兵大略謂北關有禿勒德等九月間亡入奴謬稱老女許嫁西虜奴酋聲欲前掠北關遽挑開原先發奴忿兵自此始今還質子關外示譙責以東防爲名移師鐵瀋諭奴撤兵而兵撤矣奴酋意在老女逋壻而北關執之堅以此仇構未已總之北關圖勦奴酋覬利江夷而開原袒北關趨利并參中軍捏執報請選調宣大延浙兵統以麻承恩添註征東副協與李効忠併力先是西虜掠北關芻糧略盡苦薦饑部落歸奴甚衆奴又甘言撫慰給以牛種即金台失從兄亦往投奴我以火器手三百助守老寨並貸以豆穀千石給鍋六百北關始有固志四十二年正月奴兒哈赤益勾西虜合兵莊南圖北關而煖兔乘機挾老女北關願與煖兔締婚當事諭姑留老女繫兩酋心是歲始發薊西春防兵二千屯開原撫順令廢將馬時楠羅拱極統兵千人駐鎮北堡分防二寨奴兒哈赤窺火器援兵大集亦寢其計且遵諭退所耕南關地四十三年五月白羊骨竟以

老女許婚煖兔子蟒谷兒大且執建州夷六人開原諭止不聽七月遂成婚奴兒哈赤發兵三千屯南關氛甚惡御史王雅量疏稱向救北關恐藩籬一撤奴酋與煖兔合而遼不支今奴煖爭婚勢不驟合而北關依強援於煖兔適爲中國利請設防遼陽以東按甲不動以觀奴酋進止奴或不聽宣諭我督北關陰約煖兔從南關入大兵從清河撫順分道而東兼以東山之民張牙露爪思甘心奴利其貂參順呼響應金白角之朝鮮我兵騎之奴亡可翹足待已而奴兒哈赤罷搆北關獲全四十六年奴兒哈赤突侵撫順王師敗績已又連宰賽謀尅清河堡聞金台失潛襲乃止奴兒哈赤旣數寇陷內地北關亦圖觀望紓禍經略侍郎楊鎬遣原任備禦劉源清宣諭夾攻未決而金台失所最曠夷婦爲指揮王世忠姑九月御史陳王庭按開原遣世忠入北關說以虎墩兔愁輩且且夕勦夷受賞更以千金艷之金台失男得兒革台州遂勦尅奴酋一寨冬十一月來告捷

上特賜白金二千兩綵緞二十表裏風諸夷四十七年三月我師分四路進討奴兒哈赤都司竇永澄督北關協攻師至後期以二千衆赴三岔北則我師已陷永澄死之奴兒哈赤陰遣諜斷遼船圖搶金台失祥令部夷降並賣夷文糾合同仇北關不

東略 十一
應頗泄其謀御史陳王庭請 勅諭金酋連屯開原境上奴犯開鐵徑襲奴寨以固藩籬金台失旋遣部夷報奴酋方築山寨頃之奴兒哈赤從開原入犯北關爲出兵二千來援城已被尅時北關新締婚虎整兔愁藉爲輔車又頃之奴兒哈赤尅鐵嶺開鐵旣失則河東半爲奴據北關與遼越數百里聲息不復屬乃遣夷使借屯開原內地秋八月新經略侍郎熊廷弼入遼金白二酋遣夷使期復開原廷弼亦遣持厚賞報慰示必復意奴兒哈赤陰忌北關計先剪以去內顧二十一日聲攻遼藩祥綴我師突引數萬騎繞金台失寨各擁兇皮蔽矢石力攻自寅訖午金台失力盡自焚遂乘勝圍白羊骨寨應時火發請降被僂時煖炒虎整各酋並觀望不救經略急檄總兵李如楨從撫順張疑兵解北關圍竟襲零級十餘枝梧北關盡沒矣其後上命給事中姚宗文閱遼因訪金白部落頗聞白羊骨有弟卜兒漢金台失有男得力革羈奴酋寨而得力革二女長速不他娶虜酋腦毛大孫桑河兒寨次中根兒娶虎整兔愁會虎酋挾賞乃屬按察使袁應泰遣諜虜營并授畫副總兵姜弼傳諭腦毛大及愁同仇特給二女四千金示優卹以糜其意科臣并請爲金白立廟而前所遣指揮王世忠即南關裔時隸廣寧爲加銜遊擊請陞實職風示外夷初海西兩關互仇

構越二十餘年而南關子孫幾盡南關盡而北關孤始倚 中朝兼婚各虜以完旦
夕蓋又垂二十年開鐵並陷北關不支以及於亡

論曰按海西南關王台最忠順惜子孫無良以閱墻引外寇自殲二奴北關怨毒日
深遂快心於王台子若孫自相屠割而奴酋袖手待其斃甚矣海西之愚奴酋之黠
也人爲肉而我覆爲俎幾是哉原海西密邇開鐵爲我屬夷與東西二夷牙錯勢能
離其合近歲拯北關以藩遼稱制奴上策而竟剪焉胥覆爲開鐵續誰職厲階一蹶
不振悲夫

建州

建州於東方夷部獨居中據要害東接毛憐野人黑龍江諸夷東南瀕鴨綠江距朝鮮東北雜海西百十餘衛西北鄰兀良哈聯絡犄角其地阻萬山林木蔽天五嶺喜昌石門尤扼險騎不得成列大抵女直諸夷竝忍詢好盜善射馳獵耐飢渴其戰鬥多步少騎建州尤負固解耕紙室居火食有華風自永樂內附迄嘉靖叛服不常隆慶辛未冬我師大破建夷汪住等馘斬近六百至

神廟初復拓寬奠六堡據東山要害遼左捷書頻奏頃奴兒哈赤日益橫守臣爲旰食夷運盛衰與制馭得失竝可見前事矣今摘其著者次於篇

王杲建州右衛都指揮使也生而黠慧解番漢語言字義尤通日者術剽悍好亂數盜邊嘉靖三十六年十月窺撫順殪備禦彭文洙益驚恣歲掠東州惠安一堵牆諸堡無虛月四十一年五月副總兵黑春搗杲巢杲誘伏媳婦山生得春磔之由是旆殺漢官如莽常深入遼陽掠孤山鹵撫順湯站前後戮指揮王國柱等甚衆當事議絕貢市加剿尋請貸杲不爲悛怒馬躡遼塞揚揚意得也故事撫順開市備禦坐撫夷廳酋長以次序立堂上奉土產乃驗馬馬即羸弱癯敗竝旆善馬價饜欲乃已

杲尤睥睨至輒奪藥酒飲飲醉箕踞詬罵無敢呵隆慶壬申備禦賈汝翌新蒞抑酋
長下塔驗馬肥壯異它時杲執鞅引去椎牛約諸酋入塞鹵略竟罷汝翌居久之爲
萬曆二年撫順遊擊裴承祖攝備禦秋七月與酋來力紅索亡互鄰承祖將三百餘
騎詣力紅寨杲與力紅給執承祖剖其腹併慘戮把總劉承奕百戶劉仲文於是巡
撫都御史張學顏請絕杲 貢市總兵李成梁以十月誓師擣杲巢凡斬虜千一百
四級來獻捷 詔進成梁左都督陞廕有差特遣兵部侍郎梁夢龍賫金二萬兩
會撫按晏犒將士三年春杲藉忿復糾虜盜邊副總兵曹窳厚市夷賞諜杲匿酋阿
哈納寨勒精騎馳剿得二十六級杲僞以蟒掛紅甲授哈納脫走將投土蠻會撫順
關質市夷急購杲乃走素所善東夷長王台所開原兵備使賀溱宣諭台台向忠順
遂與子虎兒罕執送境上檻車傳致獻俘 詔磔杲加台龍虎將軍秩畱西虜二子
並進都督僉事始杲以數寇罷市賞詭名科勺來貢至是邊夷覈杲 勅十八道中
科勺即杲也杲旣誅其子阿台潛倚虎兒罕 朝議方懸購而會逞加奴仰加奴欺
王台老與虎兒罕仇殺阿台亦怨王台父子縛送其父日夜伺隙報復因叛投逞仰
二奴勾北虜陰謀猾賊數糾掠孤山鐵嶺李將軍成梁乃勒兵出塞別將秦得倚馳

而北李平胡馳而南大破賊曹子谷得級千二十九併獲喜樂溫河衛指揮使銅印一顆時十年九月二十二日也已阿台益糾虜大舉於明年春正月一從靜遠堡一從上榆林堡各深入前至藩陽城南渾河李將軍馳往虎皮驛援虜稍卻阿台方擁千餘騎縱掠撫順邊渾河口徐引去李將軍因與兵備使靖四方會議此逆雖在者遼禍未怠乃於二月朔二日勒兵從撫順王剛台出塞百餘里直搗古勒寨寨陡峻三面壁立壕塹甚設李將軍用火攻衝堅經兩晝夜射阿台殪而別將秦得倚等已前破阿海寨誅海海毛憐衛夷往牧莽子寨與阿台濟惡亦梟逆也是役得級二千二百二十二御史洪聲遠勘前後功次踰三千級擇日宣捷告 郊廟錄督臣周詠撫臣李松及成梁功各陞廕加成梁祿米歲百石杲子孫自是靡遺種東夷震懾遼去一蝨賊云初杲自謂精日者術度出亡未即死然旋至台寨就縛矣杲以屬夷殘戮邊吏至磔尸剖腹脅不畏漢法自取誅夷宜也漢兵信有神杲父子非明鑒與同杲時則有王兀堂

去靉陽二百五十里爲王兀堂部靉陽故市地兀堂亦奉約唯謹萬曆元年兵部侍郎汪道昆閱邊總兵李成梁請展築寬奠等六堡其地北界王杲東隣兀堂計在必

東略 十五
爭會吳就戮兀堂亦訖無異志方修築十岔口寬奠堡巡撫都御史張學顏按視兀堂等數十酋環跪稱修堡塞道不得圍獵內地願質子所在易鹽布都御史於工竣疏請聽市寬奠永奠謂東夷唯易米布猪鹽無馬匹它違禁物與開原廣寧撫順異即以市稅量充撫賞予之便 制曰可自是開原而南撫順清河靉陽寬奠並有市諸夷亦利互易無敢跳梁當是時東夷自撫順開原而北屬海西王台制之自清河而南抵鴨綠江屬建州者兀堂亦制之頗遵漢法已漸零竊東州會安堡七年秋數掠新奠永奠寬奠諸堡無虞數十輩夷酋佟馬兒章金等三百餘人不入市牧馬松子嶺聲言冬堡本住牧故境不與貢者候秋深葉落馳塞也亡何以五十騎從林剛谷入我師追逐獲二級蓋先是七月開市寬奠參將徐國輔弟國臣及蒼頭軍劉佐等減價強鬻參毆市夷幾斃以故諸夷忿欲修葺巡撫都御史周詠等請按國輔如法傳諭兀堂戢諸部然是後諸夷絕跡關市兀堂與豪酋趙鎖羅骨亦妄覬貢路有違言譴張遼塞矣明年二月連犯靉陽寬奠已復入犯永奠堡我師卻敵追奔出塞可二百餘里至鴨兒匱得虜級七百五十四捷聞會

上春祀併叙紅土城功督臣梁夢龍撫臣周詠及大將軍成梁各陞賞如格成梁予

世伯爵是歲十月兀堂復以千騎從林剛谷入副總兵姚大節追奔至葛祿寨獲六

十七級爾後兀堂等並遂伏建州部益弱幾十年而奴兒哈赤雄開原塞下

奴兒哈赤佟姓故建州枝部也其祖叫場父塔失並及於阿台之難及走自雄東方

漸北侵張海色失諸酋蠶食之會色失爲孽侄英革仇殺往投奴酋搜戮無子遺張

海等因奔海西南關都督歹商當是時海西北關遺孽卜寨那林孛羅方聯西虜以

兒鄧等攻歹商急奴兒哈赤以歹商匿仇併連那卜二酋圖歹商 朝議諭歹商歸

海約婚奴酋罷兵是後奴兒哈赤亦時時於撫順諸堡送所掠人口自結於漢居頃

之有住牧木札河部夷克五十等掠柴河堡射追騎殺指揮劉斧走建州宣諭奴酋

卽斬克五十以獻乞陞賞又因貢夷馬三非述祖父與圖王杲阿台有殉 國忠今

復身率三十二酋保塞且鈐束建州毛憐等衛驗馬起貢請得陞職長東夷時開原

參政成遜遼海參政栗在庭會查本夷原領勅二十道係都指揮伊祖父爲鄉導勦

王杲後竝死兵火良然今奴兒哈赤屢還漢人口且斬克五十有功得陞都督制東

夷便總督侍郎張國彥以聞 報可是時萬曆十七年九月也奴兒哈赤旣竊名號

夸耀東夷則勢愈強後三年倭陷朝鮮 中朝徵兵檄如雨貢夷馬三非乃稱建州

與朝鮮錯壤奴酋忠義控弦數萬可檄征倭報効不果而奴兒哈赤方與那卜二酋
構會那卜二酋殲歹商則併許妻安明姐被搶請剿亦槩罷然奴兒哈赤竟殪卜寨
旋以保塞功二十三年得加龍虎將軍秩祿王台時矣又明年附貢夷奏益盛稱總
五十三酋捍虜勞苦乞折賞及援董狐狸例懇蟒段加賞五百兩下部咨議二十七
年五月那林孛羅窺南關勢益孤急攻猛骨孛羅猛不支以子女質奴酋供兵已訛
聞猛酋執部夷酋兒哈赤怒反擒猛骨孛羅羈寨中鹵其貲明年四月稱與妾法
賴姦殺之邊吏往詰則約還勅書部夷女女猛骨孛羅長子吾兒忽答刑白馬盟所
不撫猛酋子如日二十九年八月及女送歸因與那林孛羅各補雙貢會禮部以海
建貢夷驛騷議照朶顏三衛量裁員數定期減車奴酋弟速兒哈赤亦上言驛遞刁
勒所賞襖袋濫惡願得折價也居久之奴兒哈赤仍羈吾兒忽答建州寨陽以撫養
爲名奏爲那酋搶殺來奔那林孛羅亦許奴酋係王杲遺孽賺殺猛酋又擄其子乞
諭還忽答守靖安關廷議頗不得要領屬奴兒哈赤與海西夷忽刺溫約婚侵朝鮮
陷潼關堡朝鮮來告急當是時奴酋新併南關勢張甚益結西虜嚙灰扒黑龍江上
諸夷寬奠新疆居民餘六萬口逼奴酋穴住種參貂市易漸狎李成梁再出鎮乃委

原任參將韓宗功徙還故土棄新疆爲甌脫復因奴速二酋先後請金繒卽於黠陽清河諸沿邊田土攤派給賞維時三十三年總督侍郎蹇達巡撫都御史趙楫遼海布政使張中鴻及成梁等以招回華人叙功并賜及奴酋金而奴兒哈赤得賞志益驕明年八月沿清河邊強裁參價索償已復爭入貢車價語狂悖邊吏始倉皇請增兵而朝鮮亦報奴酋席卷江上并吞及海夷卜台吉爲所敗且假道規回波部落兵科都給事中宋一韓乃以棄地啗虜參成梁楫矣三十六年海建修貢禮部議吾兒忽答羈建州冒勅頂賞宜折其謀尋奴兒哈赤日治兵聲略北關三十七年五月遣子莽骨大以萬騎修南關寨已又勒七千騎圍獵入靖安堡聞金台失有備去已又勒五千騎往撫順關脅蟒段牛酒已又勾西虜宰賽煖兔等窺開原遼陽邊吏日夜告急御史熊廷弼按部請添募兵萬及改三協兌寺馬厲鎧甲急撫北關且收宰煖以携其交頌之奴兒哈赤請遵諭減車價入貢及還張其哈喇佃子張其哈喇佃子即前指成梁棄地也御史熊廷弼疏稱其地止一山溝不可堡而守舊鴉鶻關與橫江地未歸奴故以一峽了棄地之局奴酋貪我市賞本急於貢我急之奴故益驕輒挾盟豎碑全勒車價邀我年來壯我軍實緩詎貢而奴故益急此馭奴大機爲

今計宜合北關縻西虜因招致江上而關灰叭諸夷來奔者寵以名銜置近地以號召遺衆剪其羽翼潰其腹心而我又簡戎蒐伍嚴爲備奴且在吾握中科議則請釋建州爲外懼姑置侵地先許貢救寧東方三十九年六月部覆如科臣言

上幸報許已奴酋忌其弟速兒哈赤兵強計殺之復耀兵侵兀喇諸酋而江夷卜台吉竟驅投北關其婿也因與北關金台失白洋骨二酋修怨四十一年三月益墾南關曠土圖窺併糾西虜宰煖卜兒亥爪兒兔二十四營盡甲馳清河間遼告急徵薊兵五千赴援并禁糶及參貂珠寶而奴兒哈赤已好語謝都御史張濤謂撫安等區畊牧日久請奉約新墾槩罷濤揣情形上書謂奴酋止以北關匿逋婿挾忿又因拒婿老女不無少望別將曹文煥潛盟金白私給火器徒張皇今奴酋遣使干骨里籲枉畊牧新添者盡撤請質子示無敢擾 中朝已又上書奴酋遵諭以第七子巴卜海入撫順關願留質廣寧或 京師譯巴卜海乃奴酋親子妾眞奇生親巴卜太弟也謹聽 朝議進止其北關匿奴婿卜台吉勅發完聚當永紓遼患時濤疏方侈東夷入質爲曠古盛事奴兒哈赤信不背漢未幾總督侍郎薛三才御史張五典且連疏請救北關質子故在焚劫已及北寨矣先是 中朝因遼左孤危發帑金三十萬

議于開原遼陽各募騎兵五千策應已因缺餉汰額總督薛三才請先募二千人令
原任總兵麻承恩參將曹文煥分統合四千爲一營屯開原諸堡待其變頃之御史
翟鳳翀新入遼疏稱奴酋意不在婿與女特借負匿兩字爲北關罪似不必逢奴酋
不注意之兩事強北關以必從以天朝作外夷撮合名污而體褻前遣通官入奴
謾語以部夷狐衣充賞輕我已甚長子洪把兔兒一語罷兵隨奪其兵柄囚之獄度
北關勢必不支今日宜急救以完開原請令麻承恩以二千七百駐瀋陽而別遣它
將以千人駐清河撫順直逼奴巢以壯聲援便

上報可時奴兒哈赤已撤兵十二月以五百騎詣撫順愬負婚明無它意四十二年
正月益勾西虜圖北關奴酋狙詐自喜陰陽翕忽每發兵以圍獵爲名不知所向流
聞不賣蜂蜜以備糗糧幾五六歲志不在小議者率爲寒心而都御史濤終謂風聞
多妄濤之言曰北關開原本覬東夷參貂束珠之利誘匿卜酋成騎虎勢奴酋宣殖
遼人久爲所用我師未出彼防已預此未可虛聲喝我奈何以極疲之兵極匱之餉
爲北關守老女逋婿且北酋爲我守二十餘里之邊東奴爲我守九百餘里之邊東
奴心失又增遼陽九百餘里之邊患是爲無策御史董定策謂濤誤中通官藉大成

之魔以質子爲奴所輕聊以解嘲廷議多右聲救者三月奴兒哈赤復墾前罷耕地開原參議薛國用力主驅逐會巡撫都御史郭光復新蒞任薊門援兵及問金至者道相望奴聞震恐都御史廉知通夷佟養性把其重罪令佯入奴反間遣備禦蕭伯芝申以文告五月隨統標兵赴遼陽巡閱示虛聲奴兒哈赤遂遵諭退地定界始猛骨孛羅遣南關邊外四堡曰三岔曰撫安曰柴河曰靖安及奴兒哈赤爭墾執三岔撫安爲舊種止結退柴河靖安予秋穫至是參議薛國用備查南關界土王台存日自威遠至三岔堡後猛酋時三岔入于奴以撫安堡爲界及猛酋故並歸建州奴結已屬含糊且察兩關地素饒沃而建州高下不等苦澇旱薄收頃生齒日繁計必墾南關自給揭稱我制奴正在此奴雖強而糧不繼勢不得不取給清撫之糴我以清撫制奴之命而開原亦可安枕今日疆界請無枝梧結局因與鐵嶺遊擊梁汝貴等查勘將前四堡及白家衝松子二堡共立碑六白家松子二堡臨邊向係高山未墾故也都御史執白家衝非原題並撫安非奉旨驅逐地且私立無以服夷行暫撤國用抗議撫安要害咫尺鐵嶺斷不宜失會御史翟鳳翀巡清河語夷使照界鐫碑姑給柴河秋穫遂將六堡俱退大書番字碑陰自明年永不敢越種七月部夷盜襲

陽馬奴兒哈赤即戮碑下示恭謹是歲貢夷減至十六人蓋奴酋多欲好名類此都御史疏報退地請將撫順備禦改游擊與清河游擊分統兵各千人奴酋一攻北關即會遼陽出搗鎮北堡距北關六十里以清河備禦移駐原委廢將羅拱極撤回以馬時楠專住本堡練習火器御史翟鳳翀亦疏稱奴所最貪清撫之市而所最畏清撫兩處之搗巢部覆從其議四十三年白羊骨竟許婚煖兔遣諭不聽都御史郭光復謂曲在北關我不能禁北關之嫁又安能禁奴酋之攻北關自恃力可抗衡而又繫煖兔吾且聽三酋穴中一鬪按甲以收刺虎之功因令中協李繼功以一軍屯清撫東協楊德澤援遼麻承恩以一軍屯鎮北總兵王構以大營駐瀋陽調度奴兒哈赤亦訖無變動四十四年六月清河私出松山採木爲奴部殺掠御史王雅量參遊擊馮有功戴罪以需後効四十六年四月奴兒哈赤佯令部夷赴撫順市以潛勁兵踵襲十五日凌晨突執遊擊李永芳城遂陷因以漢字傳檄清河脅併北關巡撫都御史李維翰趣總兵張承胤移師應援二十一日奴兒哈赤暫退誘我師前以萬騎迴繞夾功承胤及副總兵頗廷相遊擊梁汝貴死之全軍覆沒而宰煖各營方集遼河西岸虎整傳調喝紗花亦屯鎮靜邊外虜東西颺動會 正陽門外河水三

里餘赤如潰血京師震恐

上特起廢將李如柏總遼鎮兵及徵廢將杜松屯山海關劉鋹柴國柱等赴京調度時楊鎬以遼舊撫推兵部侍郎命以新銜往經略詔總督薊遼侍郎汪可受先出關順天撫臣移鎮山海保定撫臣移鎮易州以便控禦皆創例也遼報不至凡三晝夜開原以西虜窺藩懿請救廷議懇發帑金湊餉百萬大興問罪之師上諭內帑無措止括十萬金佐軍興頃之諜稱奴兒哈赤退舍三十里虜二萬餘入瀋陽詔斬奴酋首予千金世職總督汪可受疏稱夷虜更番疲我征調未集請練土著人自爲守遼產諸生暫停試各倡義旅有功得破格賜科名並亟通登萊海運濟餉尋以虜倣保撫臣罷移鎮本兵引征倭征播例調兵十萬度需餉三百萬而帑金竟不時發閏四月奴兒哈赤歸漢人張儒紳等賫夷文請和自稱建州國汗備述惱恨七宗大略以護北關嫁老女及三岔柴河退墾爲辭蓋張儒紳等係東廠差役奴酋藉以聞

帝座謀最秘會廣寧民婦生一猴二角四齒開原殷家庄堡桅杆起火御史李徵儀謂遼必以剿之規模爲守以守之餘力爲剿乃爲完算請逮治遼撫臣李維翰五月

十九日奴兒哈赤統衆剋撫安三岔白家冲三堡經略楊鎬兼程受事以二十一日抵山海關得剋堡報疏請就近徵調

上罷維翰令鎬兼攝巡撫增設標營遊擊本兵請發餉二十萬解赴各鎮催調宣大山西三鎮以四萬金徵兵萬人延寧甘固四鎮以八萬金徵兵六千

上可其奏 諭總兵杜松劉綎等星夜出關並摘調薊鎮臺兵給罔金六萬兩市戰

馬以候命御史陳王庭代楊一桂按遼巡撫李維翰失城喪師得革職爲民值者頗云奴酋八子每登山密謀兵至如風雨建州馬夏月喜啖河旁柳葉兼與宰煖合衆近十萬北關惴惴不免朝鮮已諧秦晉且督匠造船烏龍江李永芳亦降奴締姻

命借大工馬價各五十萬兩濟遼餉頃之西虜乃蠻炒花等進犯長勇堡七月 賜死事總兵張承胤諡加祭二壇予立祠名旌忠奴兒哈赤從鴉鵲關入二十二日晨圍清河參將鄒儲賢拒守援遼遊擊張旆請戰不從賊冒板挖牆自寅至未墮東北角因積屍上城旆戰死儲賢遙見叛人李永芳招脅大罵赴敵亦死之時城中擁兵六千四百餘唯束手待斃爲賊殺掠萬計自三岔至孤山竝遭焚燬唯參將賀世賢於靉陽邊外縱擊得級百五十四

上特賜經略楊鎬劍一並諭飭諸邊經略聞徹單騎赴河東襄陽寬奠衆望風遁
乃斬千總陳大道等以狗議徙寬奠子女於遼陽會朝鮮遣議政府右參贊姜弘立
等統萬兵請勅從征並乞確黃許之加李光榮總兵銜移廣寧八月增設遼東巡撫
以太常少卿周永春往及設援遼餉司九月逮援遼總兵麻承恩詔獄以觀望失援
清河也奴兒哈赤復從撫順入總兵李如柏以朔三日馳瀋陽遇賊數千騎拒却之
斬級七十六乃蠻尋受款虜漸解散二十五日奴兒哈赤從撫順入會安堡殺掠千
餘時東方有白氣長竟天其占爲彗及蚩尤旗象主兵而星隕地震報相踵冬十二
月北關夷酋金台失以男得兒革台州剿奴酋一寨來告

賜白金二千兩綵段二十表裏風厲之是月海州遙見白虹貫日如日竝出者三白
氣直罩城上四十七年正月我徵調雲集上以經略奏報久稽恐師老財匱諭兵
部馳議方略仍酌賞格頒示大學士方從哲亦移書促師期經略楊鎬遂決策以二
月十一日誓師遼陽凡分四路馬將軍林率遊擊麻岩丁碧等從靖安堡出邊趨開
鐵及都司竇永澄督北關之衆攻其北杜將軍松率都司劉遇節等從撫順關出邊
趨瀋陽攻其西李將軍如柏率參將賀世賢李懷忠等從鴉鶻關出邊趨清河攻其

南劉將軍縉率都司祖天定等從瞭馬佃出邊趨寬奠及都司喬一琦督朝鮮之衆
攻其東計勝兵可十萬而瀋陽路最衝以保定總兵王宣原任總兵趙夢麟竝隸戲
下更令原任總兵官秉忠駐遼陽總兵李光榮駐廣寧誓已梟撫順陣逃指揮白雲
龍殉衆期廿一日先後出師

上特簡山東巡撫李長庚以戶部侍郎督遼餉會十八日夜司天占火星逆行二十
日京師風霾晝晦黃塵四塞有頃赤光射人如血西長安坊樓爲折其占四夷來侵
上傳諭慰厲東征將士兼飭諸邊備三月朔杜將軍松晨越五嶺關前抵渾河棄車
營趨利半渡賊萬餘忽遮擊衝我師爲二松血戰突圍自午至酉力竭師殲焉馬將
軍林改由三岔出塞翌日方抵二道關遇賊乘勝來攻亦敗績開原僉事潘宗顏及
竇永澄麻岩死之劉將軍縉獨縱兵馬家寨口深入三百餘里剋十餘寨朔四月賊
詭漢卒裝誘墮重圍夾攻衆遂潰縉及軍鋒劉招孫等竝陣歿唯清河一路以經略
令箭撤回獲全先是縉出師日五星鬪於東方松垂發牙旗折爲二又大清堡軍庫
災火器盡燬白氣竟天三匝而師多烏合深入虎穴識者預知爲敗徵云報至舉朝
氣索

上令總督汪可受移駐山海關以虎整乘機挾賞申飭薊昌防禦召陝西總督楊應聘甘肅巡撫祁光宗爲兵部左右侍郎起前御史劉國縉以職方主事充贊畫前御史熊廷弼以大理丞馳渡遼宣慰軍民兵部尙書黃嘉善率九卿科道叩 文華門請發內帑特允給四十萬兩募戰士廷議頗謂李如柏衰懦不堪登壇是役逗遛獨全疑有諜巧巡撫都御史周永春請都督李如楨代將 詔廷臣會議給事中李奇珍獨謂李氏跋扈如楨以弟代兄出土人擁戴恐爲唐季藩鎮之漸

上竟遣如楨往撤如柏候勘 諭經略楊鎬戴罪昧事趣宣鎮總兵劉孔胤就近出關應援當是時宰煖諸酋並甘奴賄煖兎方沿河駐牧奴兒哈赤詐令部夷降金台失稱損衆萬餘叛人李永芳遣奸細探三岔砍聯船陰圖金酋寨頃之奴兒哈赤以零騎窺瀋陽清河等堡而金台失以奴酋男貴英把兎陣歿來告初我師之出朝鮮國王願親提兵三萬合勦已竟令他將引萬衆從劉將軍先登遇覆盡殪而北關於朔三日方以二千衆赴三岔北則三帥已陷御史陳王庭請獎卹朝鮮 諭以一旅屯沿江塞奴酋攻寬奠鎮江路並勅北關連屯開原俟犯開鐵即襲老寨無爲所給大學士方從哲疏藉遼民爲兵並捐俸濟餉御史楊奎因上遣中使薦陣亡將士請

卹故帥劉綬家屬及墮死事諸臣廟食京師以倡忠義時自四月望後宣武門外嚮
聞至東玉河水盡赤 正陽門尤甚協理戎政尙書薛三才總督忻城伯趙世新相
繼劾人人自危虎墜兔愁擁衆數萬臨廣寧邊旋去宣鎮營兵鼓噪不赴調 詔逮
治總兵劉孔胤賜勅褒恤朝鮮並令經略宣諭北關而奴兒哈赤已於月之九日縱
掠鐵嶺柴河撫安等堡頃之河東謀稱奴酋部夷可萬餘於撫順關外築城修寨並
添清河路珊壕五月二十九日深入撫順更以偏師躡鐵嶺撫安堡而新帥李如楨
方與經略總督爭抗熊廷弼以新推胥後命蓋自敗書初聞中外倉皇匝月爾後舉
朝轉弛

上亦稍復寢格矣朝鮮方咨報奴酋移書聲嚇僭號後金國汗建元天命斥 中國
爲南朝黃衣稱朕意甚恣六月十五夜奴兒哈赤擁數萬騎從靜安堡入乘虛直薄
開原總兵馬林等方引衆出防且倚宰煖新盟孤城立下西虜適市慶雲堡亦結聚
亮子河十九日以三萬衆圍鎮西藩堡鐵奔潰上乃超擢熊廷弼僉都御史兼兵部
侍郎代楊鎬經略並從本兵議遣司屬招兵陝浙河南山東廷弼疏請決策恢復開

原

上賜劍令刻期從事起泰寧侯陳良弼總督京營召南兵部尙書黃克纘協理戎政廷弼單騎就道司業張鼐疏請京營簡選鋒三千壯其行竟不及從改差御史張銓按遼而大司馬及職方且以人言引疾也時遼陽獲奸細數輩或謂開原被攻時北關先期密報及寇至出兵二千來援而開原已失宜 賜勅撫慰且北關與虎酋新締婚可藉聯屬奴酋奸細在兩河甚夥可即用爲間而司農以軍餉無措且開款令郡縣捐助有識哂之七月杪花攻剋十方寺堡奴兒哈赤聲窺鐵嶺

上允省稅暫充遼餉左贊善徐光啟願使朝鮮宣諭應援有 旨留用遣給事中姚宗文查閱援遼兵馬二十五日奴兒哈赤從三岔堡入攻鐵嶺從寅及辰城陷蓋自開原旣剋瀋鐵逃竄一空奴酋最工間諜所在內應而我偵備甚疎聞敵膽落開原一帶堅城應時立破良可嘆也經略熊廷弼時携兵八百甫抵廣寧聞西虜自鎮西堡合侵勢甚急會二十八日我師禦之熊官兒屯以捷聞八月二日廷弼受代翌日入遼陽斬陣逃遊擊劉遇節等正軍法設壇躬祭撫清開鐵死事軍民慰勞備至且諭北關必復意人心始定

上度新經略已受事十三日遣緹騎逮治楊鎬御史陳王庭疏糾總兵李如楨謂宰

賽因奴酋陷鐵嶺引兵爭鬪被執如楨竟襲西虜殘級爲首功經略熊廷弼亦摘如楨十不堪謂賊陷開原淫酗捆載不能遮擊陷鐵嶺與西虜爭殺不能乘其敝更虛報西虜三萬合營致遼瀋驚竄願急調李懷信代將北關且報奴酋計搗遼陽盡戮朝鮮降卒防內變二十一日奴兒哈赤佯綴我師擁衆數萬騎直抵金台失寨自寅訖午旋陷隨攻白羊骨寨應時火發北關相繼淪覆矣

上聞報 命李懷信刻期赴遼會經略獲奸細賈朝輔悉賊攻北關及遼陽本謀朝輔故撫順諸生也奴兒哈赤連破開鐵則兵益強生擒宰賽鈴制煖兔紗花數十營不敢動取北關如拉朽詎遼瀋直几上肉耳

上以遼數告急超擢贊善徐光啟以少詹事兼河南道御史專練京兵予總督汪可受回籍經略熊廷弼疏稱遼瀋勢難兩全瀋陽空城難守不如還守遼陽厚集兵力上諭酌量緩急務保孤城遏其深入巡撫周永春以奴酋挾宰賽爲質且連煖兔諸營持諭帖激紗花虎愁啖以利及鼓舞朝鮮優恤將士疏請帑金二百萬

上允部議釋罪弁郭有光劉孔胤麻承恩各納馬贖罪往援遼初諸邊將領多扣空月餉自肥遼左爲甚經略特斬遊擊陳倫軍中曰有貪淫如倫法無赦一軍皆悚因

東略 卷之三十三
一三三
決策還守遼陽挑壕築垣借水爲防巡撫周永春請添兵鎮江守朝鮮貢道佐聲援而少僭事徐光啟以事多肘掣疏請

上裁不報十月二日雷震廣寧諜稱奴酋方遣奸細詭女裝謀焚海州糧草約日截運餉會遼左大雪多凍飢經略檄總兵柴國柱等屯虎皮驛各路聯絡拒賊衝以糧匱請撤回遼陽就食計是役調兵十八萬歲增餉可三百二十四萬金而羨即陸運車餘三萬七千輛用牛七萬四千頭費頗不貲十一月奴兒哈赤擁衆入龍潭口且往開鐵馱運窖粟二十一日己刻日生暈兩耳及背氣二道芒色甚異司天失占而諜稱奴酋築城撫順邊外方令黃把兔等謀入犯朝鮮亦報奴酋堅守牛毛寨萬遮嶺廣造攻具結連蒙古煖炒虎整諸酋東西分搶已又聲犯寬奠鎮江告急四十八年正月遼鎮新兵全伍脫逃奴兒哈赤多遣奸細潛伺內境市夷數報伯耍兒紗花等與奴酋歃血約虜從三岔河迤東截漕船奴酋從清撫犯遼陽遊騎往來撫順間三月十七日遼陽火藥局忽被焚闔城驚擾本兵得報張皇分布京師防守會二十一日暴風揚沙僉謂兵占已而奴酋竟寂然四月諜稱奴酋潛犯海蓋且誘總兵賀世賢往援急攻遼陽紗花詐稱奴酋死以懈我師運鎧甲赴遼河

上以巡撫周永春疏諭添兵廣寧已又諜稱奴酋糾伯耍兒歹青等營入犯及收江夷爲用窺海道經略以兵力稍集主守瀋陽漸逼賊巢奴兒哈赤未敢深入佯誘虜睨河西徐圖乘敝釋宰賽往會兵遣酋子同叛人李永芳時引輕騎出沒至發僞榜招降詭侮無狀經略秘錄轉聞激閣部同仇兼請恩賚將士前此議改贖畫爲監軍並添設金復道及是始得 旨刻期赴遼六月十二日奴兒哈赤乘經略閱邊離遼陽以萬騎由撫順關萬騎由東州堡入深至渾河總兵賀世賢柴國柱設防瀋陽却之 上特發餉金三十萬兩關陝永保援兵踵遁嚴檄招撫亡何 宮車晏駕矣奴兒哈赤本以孤雛久蒙卵翼一旦狠天作仇殲滅自不旋踵而坐兵餉不繼久稽天誅膚功有待後人是可恨也

論曰方奴酋長驅開鐵兵不血刃即蚩尤用兵無以過而竟徘徊歲餘不敢越遼瀋尺步何哉凡兵以氣勝始吾敗軍之餘不可復鼓奴酋得折箠立下及氣久漸定兵食稍集戰不足而守有餘惟養吾全力而無縱於肌飽勞佚蹙之以漸計彼銳易折而驕亦可乘蕞爾一隅自將坐困而無奈戰守茫無成畫也戰而失則以不能守爲戰罪守而墜保無失則又以不能戰爲守罪千人輿瓢可若何語亦有云誰爲手打

東略 二四
賊者今策奴酋無以口打賊則善矣

余嘗按奴酋前後事臆曰奴酋本以孤雛崛起東方其人固梟鷲善用兵然方侵
歹商時羽翼未就諸夷未甚服也初斬一叛夷獻功甚微而遼爵都督先爲之極
令奴得借以制東夷日長炎炎求加秩則加秩求金繒則金繒夫奴何厭之有海
西貳則藉北關之釁以圖南關南關盡則鼓西夷之焰以圖北關誣那酋則以搶
妻誣猛酋則以奸妾撫順血誓未乾而忽答已羈建州矣今日索參價明日挾車
價朝而弄戈夕而輸欵順則棄地可還親子可質畔牧可撤逆則逋媚必爭老女
必索焚規必逞必使其出言如轉環用兵如刺蜚近世諸夷有狡於奴酋者乎奴
據地險又利盡東夷華人多爲彼中翕撫臣濤謂習遼則然矣顧遼今日不自強
而徒望不可知之夷守九百五十里之塞有如北關併噬開鐵且虞震鄰又安望
奴保塞如今日也考奴地自吞王兀堂南隣變陽寬奠自馘阿台北隣撫順清河
自嚙猛骨孛羅北隣開鐵與遼壤地繡錯計今乍吐乍吞未敢訟言與遼爲難尙
以北關塞其前朝鮮擬其後遼當胸脇或犄或角勢未十全耳北關一折而入奴
禍中于遼豈俟智者決哉余憶己酉遼日告急加兵兌焉皇皇奴侵噬在漏刻已

以歸地減車苟幸無事數歲癸丑遼再告急周章如故亡何撤畔歸質且以潛盟
罪路將矣我緩而奴故急我急而奴故緩我徒奴緩亦緩奴急亦急幾若此而不
爲奴曾訕笑棄地即未可問而徵邊地以輸奴速五百三百以建州併南關勅三
百六十七道予之何名也知緩急之權者乃可馭奴則前後在事諸疏可著廊廟

矣

此歲在乙卯臆語也
今局稍異因並綴焉

...

...

...

...

...

...

...

...

...

...

...

...

...

突

...

...

...

...

...

東事答問

余既次東夷考會遼瀋敗書杳至客有造余曰殆哉岌乎此局全輸不可爲也余應曰然始下清撫譬豕狂突三路覆師虎斯翼矣開鐵去而遊騎縱橫如虎負嵎今日并躡遼瀋遂成出柙之勢軍敗鼓聲死可若何客曰語有云危不能安無爲貴智矣奕或食兩而窮謀有先迨後合今欲奮澗池之翼筴桑榆之効子大夫囊底餘智將何涂之出請借前箸共商弋獲可乎余曰中流一壺千金等直後時蓄艾猶愈噬臍余不敏抑嘗與聞疆事崖略矣左足試窺中懷空熱願聆石畫佇展芻議

客曰西虜東夷雄不兩棲我艷虜以封賞借彼觜距張我羽翼捐金繒以樹藩籬未爲非筴也余曰自開夷訐蚤結虜交谿壑難鑿要挾無己且虜中枝部如宰煖苙稱梟桀今宰賽久就縶煖拱而下莫敢與衡計強部獨炒花及虎墩耳炒花九子叛服叵測虎墩新耦北關聽其煨燼曾莫振救犬羊狺狺惟利是圖頃亦懾于奴酋之橫安受其詢窺我虛弱兼思聚逞卽遣舌辯縻以芳餌尙將躑躅觀望伺便而動恐未能如吐蕃回紇竝爲唐用儻因腦毛大之挑激說虜虛聲潛襲奴酋心畏擣虛倉皇引退廣寧便可十全筴之上也虜卽遲回不與炒花諸部東合乘覺奴酋陰虞西虜

東明 一
之擬其後當亦未敢空國深入箠之中也萬一諸部不受纓縻效尤颺發夷擾於前虜闐於後腹背受攻何以支吾又或虜以名應援而以實佐鬪借鄰飽颺漸可長乎相機操縱當事諒有微權惟使各虜竝就戎索以紓目前之禍而又無蹈驅虎進狼之譏則大善矣

客曰遼兵堪戰向止八千初議濟師十萬繼復添募至十四萬征調再歲勉副前額臨敵曾不得其半臂之用止川江兵賈勇衝鋒死喪略盡廣寧幾不能軍近雖催檄援兵出關終鮮精銳恐亦望敵魂悸而招募遠戍又猝不應手爲之奈何余曰兵不在多要以精銳爲主淝水赤壁竝以少許取勝記稱將不知兵以卒予敵雖多奚爲正今日之謂矣廣寧勢迫計難望征調惟去歲練臣所簡習盡數徵發可救然眉再於兩鎮量行摘調共得勝兵數萬統以良將鼓行而前當令壁壘生色可恃無恐但山海關須留重戍以爲後勁不得空壁盡出致令緩急無措亦不得專藉口持重擁兵自固以廣寧爲孤注一面本兵馳檄招募以求代匱亦貴精不貴多先儘見伍挑選若干刻期啟行旋補足額最爲直捷此在各省鎮督撫及總兵官同心協計文到即妙簡能將兼程赴軍前聽用逗留踰期繩以軍法兵部以征調之遲速強弱分別

鎮巡功舉奏聞區處不必別差科道部屬四出以滋紛拏至於京營額兵可二十萬
惟存空籍止選鋒及尖夜二項尙可得精銳三之一請遣風力科道二員會同兵部
從實查覈老弱量畱城守精銳分派練習須得實在額數即將清出虛餉廣行招募
九門各屯一營擁衛

神京蚤晚一呼可集則余昔年小疏嘗屢言之或俟練習業有成效量復先年分成
近鎮之制更番習虜尤爲長便及查兵部原有親兵三百似宜復額倍加精選以佐
緩急宋兵最弱然考靖康之變禁戍及諸道勤王各師尙二十餘萬今 都城設有
不虞誰赴纓冠即如內地督撫兵備衙門各宜預選精銳收寘軍前遇有征調最便
抽發平時蓄有雄勝兼可潛折奸萌一切郡縣衛所快壯義勇竝宜掣回專官訓練
有司不得私役勾攝汰去老弱部分騎射旬省月試上下其食是亦足兵至計又或
責成備兵使者博訪驍勇所在應募溢額考滿量爲加級其起用陞任赴京等官能
招精銳若干聽開送所在院道驗給口糧從行入京交割營伍驗果堪用仍加優異
但不得乘機冒濫名糧如是而師旅不精行伍不實吾不信也

客曰夫募兵則旣聞命矣自劉杜兩帥遇覆國無宿將聞敵膽怯至如賀李二叛操

戈入室專閫擁旄甘爲敵中翕言之髮豎今欲慎簡將帥道將安出余曰案兵法無必勝之兵有必勝之將拊髀而思頗牧今也其時第 國家任將之權太輕而用將之路太狹武科世職以薦剡爲殿最層累而至崇秩他雖有力如虎無所用之而大將位不踰都督賞不越百金寵至賜蟒玉極矣封拜世爵近歲寧遠外無聞焉又旋以蒙議罷襲至降敵亾虜罪不及孥終無以繫其死命何怪偷生辱國比比皆是淮陰以跨下登壇遂裂地而王彼開基固無論唐宋將帥有功封爵每至王侯以千金爲恒賞錫予田宅奴婢無算至如李陵出塞漢武召視母妻殿中而趙括母預請得無連坐蓋榮辱若斯關切也今宜略做行之以激發其忠誼之氣無使來去自由反兵相嚮至於命將須多預爲之地考先朝出征率以侯伯充參遊及左右副將遞陞至大將軍與流官埒邇來止懸京營漕運數缺以待世爵體更優崇而閫外絕寄遂甘以紈袴浮湛殊非共國休戚初意今宜隨伍練習有卓然穎露者試補參遊以遞至推轂一如前例則世爵自可得將也語稱將有將種除世爵外如東李西麻土達祈魯及王杜尤蕭等族家世曉暢兵事從中推選必多雋傑而死事後裔做羽林孤兒遺意倍加優卹豈無散金養士如灌夫等流願爲父雪恥若輩量授相應職銜令

統家丁隨敵報效有功照例陞賞則豪族自可得將也向來武階惟功陞一項起自行陣身獲首功其人必多驍勇可用乃寥寥數人仍以薦格爲序需次授職漸迫遲暮祇令英雄短氣今後請於敍錄後即列名推用使得乘時殺賊自效但不許以將領子弟及報捷效勞員役混入功陞冀邀甄錄須巡按御史於勘功日特爲驗試明白報部以便優異而所在督撫及備兵使者於行間官舍不時比試技勇鈴略自才過十人等而上之以及百人千人萬人遞推爲長破格薦擢則材武皆喜於自見軍中亦自可得將也 國家武科一途最屬鹵莽各省鄉試臨時報名入籍又量試弓馬專以論筴爲去留大率倩人爲之絕非英雄本色今後請於兵備道屬各實武學量改郡學教官二員提調令衛弁子弟及民間有曉習騎射膂力智謀可備驅策者歲時送道收試作養略如儒學事例省試會試竝以拳勇弓馬爲主末場專聽比試鬪器有力扼虎射命中者但解押字即實上選並不必以翰林官司校閱宋時進士試作邑尉刺史兼轄軍民以故李綱宗澤竝出科目將略蓋世 國初開科猶沿此意兼試騎射請此後將儒學射圃查復督令諸生演習定有儒將輩出則文武兩途皆可得將也古者命將或釋自纍囚或起自羣盜果有彪虎異姿雄才大俠不妨脫

東略 二十一
械從軍聽其立功自贖即刑餘亦何渠不可得將要以延攬極寬而戰勒在手將干城腹心不必借才異代頃自渡遼之役一時總兵冗至十餘權位既不相下進止皆得行意况爵賞已極誰肯効死材驚齊驅因之陸梁急則有投賊苟活耳善將將者行不測之賞則資格有所不拘留將來之地則使相有所必斬史稱宋祖御將止授緣邊巡檢不加部署大有深意及讀蘇洵任將論先後予奪別有機權參合著眼名將盡入吾彀中矣

客曰國家歲供僅給九邊頃自加派遼餉閭在騷動竟齎盜糧爾後軍旅方興轉滋勞費正苦息肩無日且有意外之變今欲不加派而餉足其道何繇惜也因糧於敵爲賊謀甚巧而吾餉愈詘司農竭糴以奉戰士自非天雨鬼輸必漁取以豪奪吾民民殫髓以供賦不足囂然而有遠心寇賊乘之內變必起此眞國家根本大憂萌已兆矣自昔海內蓋藏千里碁置望緊郡縣號爲萬家之湊其府庫必竝有餘蓄可支數年猝有緩急盡出以資戰守頃廟堂搜括積餘幾於焚林竭澤大約民間之輸積悉輦而并於郡縣郡縣之輸積悉輦而并於藩司藩司之輸積悉輦而并於司農天子又自總權稅金花上供所入而筦於內帑至司農仰屋憂不贍水衡罔寺借

支且盡繇是海內虛耗 內帑獨溢語稱財爲泉府當如流水不歇久壅不流必有水火盜賊以旁泄之瓊林洛口覆可轍鑿偷蒙

皇上垂憫困窮等 內帑於封樁慨發以佐司農明詔不忍加賦海內聞之感動必

將父子兄弟轉相告語爭出死力一舉滅賊何奉天赫書所敢望無已則議改折無已則議抵克如上供織造磁器等項暫停數年可改抵累巨萬如南北農桑稅絹等項暫停數年可改抵累巨萬如料價藥味一切不急之需暫停數年又可改抵累巨萬外此如屯政錢法非不屢議修舉終成畫餅鬻爵市稅業已析及秋毫亦屬涓滴要在奉行以實庶獲少佐軍興及查昔年開墾天津水田曾報有成效此或可循舊額廣收屯粒以省飛輓至若京西彌望彷彿江南倘召募游民講求水利旣阻戎馬兼積芻蕘虞學生集遺議具在也其次則清逋賦歷歲糧額有具領在官而解役消費者有見輸在官而奸胥乾沒者有未完在官而保歇侵漁者此等原係民間已吐之食豈堪盡飽羣饕之腹從實清查計還官當亦累巨萬其次則議贖鑊諸路爰書多有證據未確上下可比輕重不倫凡麗矜疑之條量開一面之網略倣甫刑當以贖金旣願嘉與維新不妨厚加科斷其次則嚴贓罰年來貪墨露章僅從褫奪旋已

東附
二十九
覲顏素封曾何損其毛髮請自今論劾賊私無據風聞倫遇巨貪敗露已騰白簡即
留任對簿如果證佐明確奏請移文原籍追沒田產一切舞文猾胥並加窮竟籍官
不在常赦之例計佐邊儲兼懲墨吏其次則覈度牒游僧糜集私剝十九請各藩司
賚發度牒若干聽其入價頒給仍令有司嚴覈境內叢林非經給有度牒科罪還俗
量有佞佛檀越代輸剃度所入亦不下巨萬也諸如此類總得實心任事之臣細心
規畫自可裕國而亦無滋民蠹如得一劉晏何鹽政之不修得一何承矩何屯政之
不舉豈必加派方可足餉若乃駕言遼餉而巧取於民設處無碍總籠絡之虛名捐
俸派助尤貪污之借徑雞廉虎飽取錙銖而用泥沙民窮召寇祇爲盜守恐所虞不
獨在餉也

客曰 國家都燕以山海關外蔽亦猶唐之有潼關也今河西獨倚廣寧爲重鎮夷
氛甚惡山海幾震鄰矣近年增置大將阨險慎固封守頃復申命重臣居關彈壓與
廣寧犄角而天津登萊各設開府庶賊不得循我餉道以奇兵繞出內地似已得完
算其他添戍要區孰爲最急余曰每見 國家一番張皇即有一番添設而軍衛如
兒戲即印綬曩若曾何益折衝之略山海宜宿重兵固也登州海道與遼陽正相望

如賊習水師可朝發夕至須水陸合勝兵三萬餘衆天津半之自此而南如臨德徐淮並築鑰襟襟各宜增屯勝兵萬人查濟寧有總河重臣即可往來兼轄臨德淮安業有總漕重臣控制而徐州自古稱四戰之國奸雄每生窺竊亦須特設開府屯駐其俗悍而健門兼資冶鐵即可招納訓練以實軍伍若夫金陵以及大江自有操江重臣及留都大司馬專督軍務簡卒蒐乘慎備不虞此其時矣客曰自賊發難專用間諜潛伏內應以故攻不事臨衝戰不必血刃即京師肘腋虎或在旁可爲寒心頃九門畫地譏察兼罷內市庶以固圉余曰信也蓋法禁之積弛至今極矣帝京重地而游民罷吏久竄爲窟穴近多神奸巨猾憑社其間寧止山人而擅主爵之權銅臭而侵諫垣之職淆亂白黑強與朝政寢假叔敖之衣冠妄意柏人之譎發如往歲張差等覆轍恬不知戒竊環燬積伏奸斷可知也今議分地設防似矣而事權不一易以卸責請於五城各專委風力御史一員董率巡緝及期而代回道攷覈以能搜狙奸爲稱職刻下先行大索旬日根株黨與必得賊謀數人正法爾後土著流寓各爲置籍申以保甲連坐凡流寓非列在四民確有親戚保任悉驅越境每遇出入嚴覈所由無使漏網吞舟所在關隘並爲申飭從實盤詰奸宄自當屏跡京

師肅清亦可少寒賊胆唐武元衡遇害以兵部侍郎許孟容言下詔能得賊者賞錢
千萬授五品官與賊謀及舍賊能自言者亦賞有不如詔者族積錢東西市以募於
是得張晏等十八人斬之東都防禦使呂元膺竟得手僂元衡者今宜略仿此意賞
罰必何賊不獲即軍中能重爲懸購可即轉賊以爲吾間客蹶然起曰微矣子信之
語間也請竟其說余曰孫武子十三篇終於用間其言用間有五今賊皆工用之而
我不能卽自發難以來有能得賊謀主幾人酋率幾人悉其主名者乎有能得賊謀
主孰最寵信酋率孰最饒勇洞其曲折者乎有能得賊諸子孰能孰劣並賊於諸子
中孰最憐愛揣其形似者乎有能得賊部曲幾族孰強孰弱孰恩孰怨可以乘機張
翥者乎有能得賊騎步幾萬倉困幾處何隊最精何械最習可以吾技當之者乎有
能得賊聚兵何日入犯何地結陣何嚮以商進止者乎賊倚哨探爲耳目即可從哨
探用吾間賊倚華人爲腹心即可從華入用吾間賊倚降將爲爪牙又即可從降將
用吾間而今固懵如也古用間者黃金累數萬斤恣其出入故能深心曲計多方釣
奇轉賊爲間而賊不覺史稱宋祖任帥筭權之利悉以委之以故邊臣能養死士便
爲間諜洞知敵情及其入侵設伏掩擊多致克捷卽近歲李寧遠亦專用間偵虜擣

巢往往獲級法稱賞莫厚於間事莫密於間誠令不斬通侯萬金之賞重爲懸購曰能斬奴酋父子來獻者酬賞若干仍以其地王之能斬奴酋謀主酋率以下來獻者各分別酬賞若干仍予世武功爵能斬中國降將來獻者酬賞若干爵亦如之如中國亡命及降將能斬奴酋子或謀主酋率以下並自相擒斬來獻者予贖本罪仍照例爵賞如中國向與賊通能執賊諜自首及賊諜陰以彼中實情輸我得贖罪爵賞亦如之而又於常餉外別發金錢十餘萬兩專聽懸購間諜之用沉機密運動於九天自可漸携賊黨轉爲吾間語云大事不惜小費此之謂也

客曰案功令馘虜首一得賜爵一級願賞者予五十金非不綦厚也而塞上將士不用命亦有說乎余曰唯唯聞之邊人每一獲功督撫報捷以後劄行巡按御史查勘轉委道府往返閱實經時而後報命疏下所司概從寢閣經時始議題叙遠者率至數年而後頒賞計五十金之額將領預派使費及扣除不下三十金所領不及原格之半偶經叅駁又復追賞如遼左哈流兔可可母林故事有馘虜一級徒手飲泣者至若年來職方更換無時轉相推諉以逃謗議一切閱視勘功諸奏停留不覆賞格竟爾空懸凱捷亦成虛套何怪士氣不揚見敵却步卽如頃歲兩遇

登極恩蔭稠疊濫觴頰衆而遼左死事諸文武再閱寒暑始蒙旌錄枯骨成燐靡加拊恤若輩非性忠義誰肯張拳趨死查萬曆初遼左尙懸有賞銀兩專待首功聽報獲級卽行預給遇有大捷不候勘覆先發罔金一二萬兩厚犒血戰將士以故超距牽斬捷書狎至今誠照例特頒內帑銀兩若干專聽軍前懸賞申諭部院勘功敘錄竝不許踰原定期限將見厚賞之下氣自百倍而又自經臣大帥以下習與士卒同甘苦居恒弔死問孤投膠挾纈常有滅此朝食之意從軍之士有不誓死殺賊取斗大金印非夫也大略今日最患閩外之文法日煩而登壇之神氣頓索行間之剝削日滋而臨敵之雄心欲盡必得命世豪傑一洗此轍廣開獎率之端明揭功名之路庶幾返弱爲強東氣可靖而愚竊恠夫今之籌國者議論之無恒操也冰炭情軋而一彼一此等鄭人之爭年功罪之無定局也左右袒分而乍軒乍輕等宋人之聚訟張弛之無成畫也勇怯見異而忽緩忽急等秦人之肥瘠以致夷氣浸橫五色無主所謂待汝家議定則我已渡河令夷狄反輕中國之無人尙忍言哉今日聊佐一籌曰銳曰實曰和願爾後用人無專徇常調賞罰無專泥成格邊防無專事虛捏奏疏無專弄筆端士大夫無專徇體面大家整頓全副精神虛心商榷慷慨直前無以局

外而掣任事之肘無以先入而襲雷同之誤無以模稜而偷視蔭之安無以盤錯而卸肩頭之擔將相調和士卒豫附定有矯矯虎臣應時戡亂爲

天子紓東顧之慮者岩居濞恤將企踵俟之若乃悠悠忽忽坐失事機調紙上之兵規空中之餉舌戰不可當敵心兢祇多害成日復一日全憑疆陽用事終成一虛弱不起之症塌天下之完力以奉東方耗內疲外憂來方大耳客爲竦然革容請辭而退

偶聞遼警起步徬徨矢紓芹曝之衷懇賈躍冶之諛聊做七發漫展一籌雖考槃自放誼不敢忘 國恤也昔辛酉四月苔上愚公識

東夷考略

東漢書

不踐之無職天不之宗代以奉東式并內選長養來式大耳香魯熱熱軍容蓄備而
 與空中之論善輝不有當端心故源奉書意日意一日全無顯訓俱事錄取一重
 天子豫東願心惠善祥恩續斷沐全重對之善代款款感感坐天事辭歸湖土之矣
 唯冒願之辭辨時歸味士卒驚相室育深微凱昭惠初諸攝微而無事事
 長前雖公事之惟無以決人而驚雷同之照漢以勢歸而論歸漢之災漢以楚餘而

自傳

荅上愚公者家荅水之曲性專而癖自先世事力穡而公獨酷嗜書當其坐擁殘帙
伊吾自喜輒私謂天壤間雖有他樂吾不以易也及一再試爲吏殫精職業絕不解
以官爲傳舍間有以請謁問遺至面輒發赤反走以是亦時竊民譽而每爲通人所
不樂公亦罷去不顧歸返初服讀書伊吾與兒曹聲相互答或勸公仕抱膝長嘯不
爲對人謂公炙手不知炎下石不知險脂膏不知潤且并軒冕不知榮胸無機械意
無好醜此殆天下至愚人也公亦自謂名我以愚固當然雅能以無私自許人亦久
而以是許之因共號曰荅上愚公閒居每好著書然多雜以兵事以所歷官似
是馬曹嘗留心擘畫綜理其間雖已歸臥而宿業不輟齒及輒津津有味乎其言人
謂愚者必專且癖此亦愚公眞種子云豈

天啟元年龍集辛酉夏日書於浣花居上

天錫元平歸漢辛酉夏日書於將芥園土
階愚者必喜且樂也亦愚公買駿于云皆

吳愚曹嘗留心學書終其間雖與魏超而前業不辦齒及聘華華皆和平其言人
而以是藉之因共憇曰登土愚公愚公問思善善書然念兼以天事以泯氣官則
無我願也奈何至愚人出公衣自帶各拜以愚固當然罪猶以兼味自齊人衣入
盆憊人階公矣手不眠矣不汗不眠劍龍膏不眠野且共揮曼不眠榮願難辦無意
不樂公衣歸去不眠纏足麻羅歸書母吾與良曹變時且答更讀公計遊魏身不
以官益轉舍開香以需需聞盡至面躡發表又去以是衣却難另譽而計益難入也
毋吾自喜躡足階天難聞羅衣並樂吾不以是出又一再始益更難難業難不難
吾士愚公香案容水之曲世尊而樂自共世事代辭而公階讀書當其坐網奕州

東夷攷略跋

右東夷攷略原題茗上愚公撰次按茗上愚公爲茅瑞徵同治湖州府志卷七十五人物傳文學云瑞徵字伯符歸安人坤從孫萬曆二十九年進士知泗水縣調黃岡擢兵部職方主事陞郎中歷福建參政湖廣右布政晉南京光祿寺卿歷官有廉吏之目壯年卽解組歸田自號茗上愚公耿情咏吟官職方時著有象胥錄三大征攷詩亦真率自喜卒贈大理寺卿是書首篇女直記自秦漢以來女真部族之沿革次篇海西記南北關王台祝孔革之部族三篇建州記王杲阿台之事訖奴兒哈赤之興至萬曆末年而止首有遼東全圖開鐵圖開原控帶外夷圖瀋陽圖廣寧圖海運餉道圖茗上愚公傳前有攷原末附東事答問仿枚乘七發之例述防遼之法爲答客問之體瑞徵官歷兵部目睹當時情狀親歷其事故記述特詳其記奴酋爲建州之枝部非猛哥帖木兒之嫡系及併有諸夷蔑視明廷之事蹟王台仰加逞加二奴之興廢言之鑿鑿至記明成化三年征董山之役馬文升之撫遼東楊鏞之四路喪師聲色煊赫脉絡詳明足裨史事其述防遼之法大旨在設武科以陳軍旅厚資賞以招勇士杜苛征以整遼餉利間諜以窺遼情至言軍旅之弊遼餉之濫萬曆朝之

慌恐無策不爲久遠之計京師重地猶有奸人出入至兵敗之後事過境遷而朝士反視之漠如足以見當時之情勢非書生之見者可比惟所記僅及天啟初元而止惜瀋陽失陷之後均未記載又三篇所記之事略有出入重複之病而傳聞失實之處亦間不免然記清初之史事及明代遼東之興廢固可謂最確實有統系之書也是書以所記較爲真確故在明季已傳誦於一時當時記遼事之書率本斯籍若管葛山人山中聞見錄卷九東人志女直即割裂是書女直之上半卷卷十卷十一海西建州二卷與是書大致略同其他野史稗乘鈔襲是書而成者蓋不可勝舉也自清乾隆間嚴野史之禁是書入全燬書目原書已不可得反因鈔襲之文籍資以傳然已失去本來面目矣輓近野史日出獨以未見是書原刻爲憾辛未東遊見東京內閣文庫藏有天啟刻本不禁狂喜繼見東洋文庫所藏藤田氏所得刻本乃知上虞羅氏本卽由斯本傳鈔而出今羅氏本已歸入燕京大學圖書館乃商借刊印以存其真云癸酉盛暑國楨揮汗記

中華民國十年參年拾月廿八日收到

煇字

28

6 水滸誌卷十